

中 山 西 太 原 省
醫 改 進 研 究 會

民國十三年四月

中華郵政特准掛號
認爲新聞紙類

醫學雜誌

第十八册

南京圖書館藏

本雜誌啟事

凡訂閱本雜誌者望先寄費空函訂購恕不作覆

代派本雜誌辦法

- (一) 凡個人或團體代派本雜誌十份者贈閱一份二十份贈閱二份以上類推
- (二) 凡代派本雜誌須先繳費一半餘按期遞繳若到期未清恕不續寄
- (三) 凡願代派本雜誌者須有妥實介紹人

外界投稿簡章

- 一 各界投稿凡有關於醫藥衛生等學術者本會極其歡迎
- 一 凡經本會編入雜誌之稿計每一稿奉贈雜誌一冊由本屆起查明照寄其以前所登各稿應請 投稿諸君自行查明緘示本會補寄緣兩年之久住址恐有遷移也 此項辦法專為酬報外界而設若近在會內之理事會員恕不另酬
- 一 收受各稿本編輯處可以酌量增刪如作者不願他人增刪亦請預先聲明
- 一 所投稿件未經登載者恕不奉還
- 一 各醫藥報界有願與本會雜誌互換者本會極表同情
- 一 會內外諸君有翻譯東西最近發明之醫藥學投刊者本會尤為感綴

醫學雜誌第十八期

目錄

附設醫院十三年二月中西醫診治人數

及比較表

論說門

靈素生理新論目次 續十 七期

楊百城

靈素生理新論 續十 七期

前人

章太炎論臟腑之要諦

張破浪 錄述

肺病論 續十七期

葛蔭春

纂述門

(生理類)

論血內鐵質功用 錄格致叢書

(衛生類)

論衛生莫先於養心

楊百城
趙意空

(病理類)

纂輯中西解剖病理 續十 七期

前人

說傷寒傳足不傳手之誤

任德元

論少陰傷寒咽痛證

陳代和

傷寒心下痞而復惡寒汗出者附子

瀉心湯主之解

張國華

少陰症之但欲眠與陽明篇之三陽

合病但欲眠睡辨


唐忠俊

肺痿吐涎沫與痰飲 吐涎 沫辨

王慎軒

心痛說

吳玉純



厥逆說

前人

(診治類)

(診法)

望色 續十七期

楊百城

診脈法

錄格致叢書 續十七期

舒高第脈論

同前 續十六期

脈學系統之略說

蔣鏡寰

(治法)

總論喘證治法

續十七期

張錫純

吐血暴證之治法

蕭懷之 寄選

治中風略說

王坦

鍼刺期門穴之研究

程哲

二

鍼刺結胸證之研究

前人

瘡疽辨膿施鍼之研究

楊孕靈

治腦疽之研究

相里規

(治療各稿)

肝病頭痛治驗

費澤堯

產後泄瀉治驗

徐伯英

外感挾伏氣治驗

徐召南

痛經治驗

徐韻英

腹痛治驗

前人

踝骨脚跟痠痛治驗

陳步丹

醫案門

關於心理之治療二則

關於火極似水之治療三則

關於鍼灸之神術二則

報告門

覆省署壽陽縣報告喉證

覆高平縣賈樹棠報告時證

覆夏縣分會報告小兒時證

通訊門

張山雷先生致本會理事長書

本會理事長覆張山雷書

抱一道人致本會緘

葛廉夫先生致本會緘

何廉臣君 周小農君 張汝偉君 致楊如侯函
上海中醫會

第十八期 目錄

專著門

新攷正經脈穴俞記誦編 張壽頤

譯叢門

世界大戰內外科上之經驗及進步

序畧

楊永超

麻黃之應用及藥理

章飛仙

雜俎門

葉香岩遺事

張儼若述

劉子儀膏藥

徐韻英述

星期徵稿選刊

問五實五虛及實攻虛補之理由 徐世長

問仲春見泄瀉病之理由及治法 趙儒珍

三

針灸討論會治法選刊

針灸水腫蠱症之經驗

劉占魁

少陰病便膿血可刺之經驗 劉 瑩

本會理事表補遺

李天培 植生 山西河津縣 本會附設醫校教員兼醫士
 費澤堯 夢萼 浙江吳興縣 本會附設醫校教員兼醫士

本會增聘名譽理事

柳世昌 琦五 山西代縣 廣省城西肖牆導生醫院
 管樹正 士貞 山東 山東沂州陸軍第五混成旅副官

柳貫先

虞哲夫

江蘇揚州


張二仲

廣州西關恩寧市

◎◎注意

通訊門葛廉夫先生鍼肺病論禁止轉載

中醫改進研究會附設醫院 二月份中西醫逐日診治人數比較表



停診

停診

停診

停診

舊曆年節停診

停診

停診

停診

停診

停診

舊曆燈節停診

停診

二月份中西醫逐日診治人數比較表

論說明

靈素生理新論目次

第十七期

理事 楊百城

第九章 外形篇七

第二十節 論十五絡中督任脾三絡爲先後天之主要

第二十一節 論脾之大絡即西人淋巴幹之說

第十章 外形篇八

第一節 論十二經脈之外又有十二經正

第二節 論十二經正與經脈之離合出入

第三節 論脈氣隨時環轉有一定出入之度

第四節 論人周身之脈度

第十一章 外形篇九

第十八期 論說明

第一節 論十二經之流注

第二節 論十二經之根結

第三節 論十二經脈之標本

第四節 論氣街爲十二經脈氣之徑路

第五節 論谿谷之會

第六節 論肺手太陰經穴

第七節 論大腸手陽明經穴

第八節 論胃足陽明經穴

第九節 論脾足太陰經穴

第十節 論心手少陰經穴

第十一節 論心包絡手厥陰經穴

第十二節 論小腸手太陽經穴

第十三節 論三焦手少陽經穴

第十四節 論膀胱足太陽經穴

第十五節 論腎足少陰經穴

第十六節 論膽足少陽經穴

第十七節 論肝足厥陰經穴

第十八節 論督脈之經穴

第十九節 論任脈之經穴

第十二章 外形篇十

第一節 論古方士以腦為一臟

第二節 論腦為元神之府

第三節 論腦以腎為本

第四節 論腦為心所使

第十八期 論說門

第五節 論頭爲諸陽之會

第六節 論五臟主七竅之原由

第七節 論五臟主九竅之原由

第八節 論九竅陰陽奇偶生成之原理

第九節 論鼻

第十節 論目

第十一節 論耳

第十二節 論口

第十三節 論舌

第十四節 論齒

第十五節 論皮肉之生成

第十六節 論毛髮之生成及鬚髭之有無

第十七節 論四肢一

第十八節 論四肢二

第十九節 論爪甲

第十三章 內形篇一

第一節 總論臟腑生成原理

肝之部

第一節 論肝臟應天地之氣化

第二節 論肝臟應天之氣化

第三節 論肝臟應地之氣化

第四節 論肝臟之體象

第五節 論肝之功用

第六節 論肝與膽之關係

第十八章 論視門

五

第十八期 論說門

第七節 論肝與膈中之關係

第八節 論肝與肺之關係

第九節 論肝與目之關係

第十節 論肝與筋之關係

第十一節 論肝之藏魂

第十二節 論肝臟之情志動作狀態

第十三節 肝之外候

第十四節 論肝臟調攝之法未完

靈素生理新論

第一章 原始篇

第五節 論精蟲之說不始於歐洲

小乘治禪病祕要經曰。子臧者在生臧上。孰臧之下。古經臧作孰九十九重膜。如死

无

前 人

豬胞四百四脈。從於子臑。猶如樹根。散布諸根。如盛尿囊。一千九百節。似芭蕉葉。八萬戶蟲。圍繞周匝。四百四脈。以及子臑。猶如馬腸。直至產門。如臂釧形。團圓大小。上圓下尖。狀如貝齒。九十九重。一一重間。有四百四蟲。

筋色蟲。此蟲形體似筋。連持子臑。能動諸脈。吸精出入。男蟲青白。女蟲紅赤。七萬八千。共相纏裹。狀如纒環。

又小乘法念處經曰。十種蟲行於髓中。有行於精中。九曰起身根蟲云云。

章氏叢書雜錄引此說曰。所謂筋色蟲。在男青白。在女紅赤者。卽精子與胚珠是已。復云行於精中。名起身根蟲。身根由此而起。其爲精子益明。大率印度解剖之術。素優。故有筋色蟲。起身根蟲之說。當今所謂精子。又有八萬戶蟲之說。當今所謂細胞也。夫罕曼歐洲十七世紀人始發見精蟲初見精子。未嘗用顯微鏡。徒以解剖生物。窺見景畧。遂卓然稱祭酒大師。而印度自二千歲前。已知其名物儀象。斯亦一奇也。以上

從章氏論印度先民知地球繞日及精蟲二則中節要錄出

按歐洲十七世紀以前。考察雞卵。或云卵中有雞。或云卵中無雞。相持不決。自罕曼特動物有精蟲之說。後之推究者。復得顯微鏡證實之。則其說益以確定。惜乎印度先民。知其名物儀象。而儀器不傳。弗能俾人人共見。此固不啻人逮矣。然彼中聖哲。本以第一義諦見重。儀器之製之巧。解剖之技之精。未足以爲寵也。雖歐洲謂哲學家。於有脊椎動物之胎體。由蛙類魚類鳥類以及獸類。如猿犬兔豕等。而推及人類。從解剖上發見基本於原始之細胞。其卵細胞及精細胞。相繼爲精密之研究。而加以解釋。業已無遺。豈知印度瑜伽止觀之法。與我國古道家能以氣聽以神見。適同。固不待顯微鏡及愛克斯光鏡而後能顯著也。遙思古昔。大道中絕。東方學者。盍起而修明之。未完

章太炎論臟腑經脈之要諦

名譽
理事

張破浪述錄

前世解剖之術未精。故說有正經十二。奇經八。由今驗之。心合於腦。諸血者皆屬於心。故血脈悉自心敷布。出於心者爲大動脈。返於心者爲大靜脈。皆舊所謂衝

脈是也。自大動脈布於臟腑。其動脈支分無數。返於靜脈。以返於大靜脈焉。自大動脈布於頭手足。此三者左右各有動脈。支分亦無數。返於靜脈。以返於大靜脈焉。自大靜脈復入於心。心又出布於大動脈。謂之大循環。頭手足三。左右動脈各一。靜脈各一。數亦十二。然與素問靈樞所謂十二經者。其條列則不同。自心以外。臟腑之脈。不與頭手足順接。而頭手足之脈。亦各不相順接。其因以周注者。唯大動脈大靜脈爲之樞。是故以太陽太陰諸名攝舉臟腑可也。以爲十二經分在手足。內連臟腑。上連頭。不可也。且夫人之病也。發熱則周身肌膚皆熱。厥冷則四肢五指皆冷。曷嘗有手足六經之限哉。傷寒論所以分六部者。各有所繫。名目次第。雖襲內經。固非以經脈區分也。按傷寒太陽等六篇。並不加經字。猶曰太陽部陽明部耳。柯氏論翼。謂經爲徑界。然仲景本未直用經字。不煩改義。若其云過經不解。使經不傳。欲作再經者。此以六日七日爲一經。猶女子月事以一月爲經。乃自其期候言。非自其形質言矣。雖然診脈之法。不過三部。傷寒論仲景自序。舉寸口

人迎跌陽爲主。寸口即手脈。人迎即頭脈。跌陽即足脈。知此三者手足十二經何取焉。奇經有八。說亦不諦。唯衝脈當以脈名。督脈即中樞神經。任脈在男子即輸精管。在女子即輸卵管。與脈爲血管專名殊矣。帶脈舉世未有見者。陽蹻陰蹻陽維陰維。皆足膝中筋腱亦名曰脈何哉。素問稱衝脈爲十二經之海是也。考大動脈分三部。自心左部發原上行。至肺者曰上行大動脈。自此回曲而下。其勢如弧者曰大動脈。自此下鬲至尾閭薦骨之間而盡者曰下行大動脈。其上下行分出頭手足者皆支也。而大動脈至尾閭薦骨間別起一大支。自少腹上行至胸而散。靈樞云。衝脈者五臟六腑之海也。五臟五腑皆稟焉。其上者出於顛額。此上行大動脈支分而出於頸以上頭者也。滲諸陽。灌諸精。其下者注少陰之大絡。出於氣街。氣街在毛際兩旁。大動脈於是異矣。其說最核。而素問所云。衝脈起於氣街。挾臍上行至胸中而散者。特其別起之一支也。通言亦爲衝脈。別言則爲少陰之大絡矣。諸此條則不可謂不審諦。然既知衝脈爲十二經五臟六腑之海。而反列之

奇經更以其所支分者爲正經。此乃以孽奪宗。舉野目而遺綱紐也。雖然診脈之法。脈經有診宗氣術。其候在左乳下。左乳下當心下端。以此觀心之彈血而衝脈之情可得矣。知診左乳所謂衝脈爲奇經何取焉。

問者曰。經稱邪於人中項則下太陽。中面則下陽明。中頰則下少陽。中於陰者常自跖臂始。此亦分頭手足三。而頭部專得陽病。手足專得陰病何也。若云陰脈不上頭。此既無其徵矣。豈有說乎。答曰。邪之中人。苟及營衛。則亦感及神經神經中樞。此則在頭。卽督脈是。頭部至耳目鼻口。亦爲神經末梢。然終近於中樞。與手足之絕遠者異也。督脈總督一身之陽氣。故邪中頭部多爲陽病。神經末梢則在手足。其陽氣所及漸微。故邪中手足多爲陰病。自營衛言。脈之上頭。其勢則逆。又去大動脈爲近。是以陽氣重。脈之行手足。其勢則順。又及指掌之間。去大動脈已遠。是以陽氣微。人面不衣。陰病不得頭有汗。但頭有汗即死。皆以中樞神經所在。總督一身陽氣。而血脈亦抗進使然。余以爲手足十二經分陰陽也。是故頭爲陽之

第十八期 論說門

十三

本。而亦陽之會也。四肢爲陽之末。而非陽之本也。雖然中頭部與中手足自其形
式言耳。其因則心爲之。心力強。彈血猛。使營衛足以抗外邪。則證先見於陽盛之
地。必爲頭痛。心力弱。彈血懦。使營衛不足抗外邪。則證先見於陽微之地。必爲四
肢厥冷。中項中面中頰中跗臂者。非果邪有所偏中也。以其病證先見者而謂之
中云爾。

肺病論

續十七期

名譽理事 葛蔭春

肺平脈病脈死脈論

平脈者。肺和平本象也。病脈者。肺自生病。或受他臟干犯之脈也。死脈者。肺絕之
脈也。宜分別而形容之。

- 一 張仲景曰。凡診肺以指按之。如三菽之重。與皮膚相得者。肺氣也。
- 二 扁鵲曰。秋脈毛。毛而和緩者爲平脈。毛而無胃氣者死。秋以胃氣爲本也。
- 三 華佗曰。秋王於肺。其肺浮而毛。浮濇而短。毛而微曰平。反此爲病。其脈來毛

而中央堅兩旁虛曰太過。病在外。毛而微曰不及。病在內。又曰肺脈戾戾聶聶。如落榆葉。曰平。來如循雞羽曰病。如物之浮。如風之吹。鳥背上毛者死。其肺脈來至夫虛。又如以毛羽中人膚。其色赤。其毛折者死。毛而弦曰春病。弦甚曰仰死。洪大而長。是火焚金。亦不可治。得輒而滑者。腎來乘肺。不治自愈。浮大而緩者。是脾來生肺。不治而瘥。弦而長者。是肺被肝從爲微邪。雖病不妨。

四黃帝曰。見真臟者何謂也。岐伯曰。五臟者皆稟氣於胃。胃者五臟之本也。臟氣者不能自致於手太陰。必因於胃氣。乃至於手太陰也。故五臟各以其時自爲而至於手太陰也。邪氣勝者。精氣衰也。病甚者。胃氣不能與之俱至於手太陰也。故真臟之氣獨見。獨見者。病勝臟也。故曰死。又曰。真肺脈至。如以毛羽中人膚。死不治也。

五張仲景曰。肺死。浮之虛。按之弱。如葱葉下無根者死。

大醫學正傳曰。人有寸關尺三部之脈。按之絕無形跡。而起於手陽明經。陽谿與合谷之地動者。何敢曰。手太陰肺。與手陽明大腸。一臟一腑。相爲表裏。其列缺穴。乃三經之絡脈。故脈從絡而出。於陽明之經。此爲妻乘夫位。地天交泰。生成無病之脈。名曰互脈。

肺比較禽獸肺異同論

人之所以異於禽獸者。以有五常之稟。靈明之神。故其內外所藏所見。性異於禽獸。質有同乎禽獸者。何妨一比較之。

一人之肺同乎豬之肺。前肺形論中已詳言之矣。

二人之肺類乎羊之肺。其大小亦相若。惟羊肺多血耳。

三人之肺不同乎禽之肺。禽肺只有兩葉而污爛。

四人之肺大異乎狗之肺。狗肺之內。全是虫而腥臭。故俗嘗險惡之人曰狗肺。

狼心。蓋以狼心之內。亦全是虫也。未完

纂述門

(生理類)

論血內鐵質功用

錄格致叢書

人身血內之質。以鐵爲最要。鐵乃金類中原質之一。其雜質有鐵二、養三及鐵養炭養二二質。惟鐵能成此二質。故在血內能循環變換。以爲收放養氣及炭養之妙用焉。今試詳論之。人身百體之內。所有腦髓腦筋皮肉筋骨肌膚等。皆係淡炭輕養四原質所成。依其分劑化合。成百體之質。時時運用。必逐漸自行化分。還爲原質。安臥時化分者尙少。用心用力受熱。則化分更多。既已化分。則積於百體質點之間。必速運而去之。否則積於腦。則腦髓不安。而週身不暢。積於肌膚。則寒熱發汗。積於筋骨。則拘攣疼痛。積於腸胃。則瀉吐。積於肺。則咳。總之積於何處。卽爲何處之病。其運去之理。因輕養二氣。既化分後。自能化合成水。滲入血內而自去。

但留淡氣及炭質。必藉養氣與之化合。另成雜質。方能消化於血內也。空氣自肺中吸入。內含養氣。然血爲流質。必不能與之融合。故必另賴一質與之融合。然後方能消化於血中。卽鐵是也。鐵與養氣化合。能成鐵_二養_三。卽鐵_二分劑與養氣_三分劑化合。其色赤。消化於血內。而血成赤色。由心房迫之。而分至各脈管。以達各微絲管。入百體各質點之間。而成二事。一放其養氣若干。與所積之炭質化合。成炭養_二氣。再與鐵養_二化合。成鐵養炭養_二。仍能消化於血內。一又放其養氣若干。與所積之淡氣化合。成淡養_五。再與血內之鐵類化合。而亦消化於血內。皆隨血由微管匯入迴血管。鐵養炭養_二之色黑。故迴血作青紫色。迴血轉入內腎內之微管。則血內多餘之水。及鐵類。與淡養_五化合之質。滲入尿管內。漸流入膀胱。而出迴血轉入肺內之微管。則鐵養炭養_二放其炭養_二氣。輸入氣管呼出。再收吸入之養氣。仍爲鐵_二養_三紫色。又變爲赤色。此鐵在血內循環變換之妙用也。其百體之質。化分所耗者。則藉腸胃中所取食物之精液。和入血內。運至各處以

補其缺。而復其原。故所耗多於所補。則漸瘦弱。所補多於所耗。則漸強壯。或曰。每遇七年。則人身之質。盡行換去一次。可知體內各質。時時有循環生死之妙。故能曆數十年而不壞。否則隔宿即臭腐矣。

(衛生類)

論衛生莫先於養心

理事

楊百城
趙意空

近人身體所以虛弱多病且短命者。雖有原因種種。究其極緣於心理上發生者為最多。是故衛生之法。沾沾在肉體上講求。猶後也。要莫先於為心理上之研究。

(一) 未病時之修養

白玉蟾曰。人無心則與道合。有心則與道離。惟此無之一字。包諸有而無遺。生萬物而不竭。天地雖大。能役有形。不能役無形。陰陽雖妙。能役有氣。不能役無氣。五行至精。能役有數。不能役無數。百念紛起。能役有識。不能役無識。大哉無乎。斯真包諸有而無餘。生萬物而不竭矣。修此心如太虛。而空洞無物。羣魔不能侵。百邪

不能犯。此至人所繇與天合一也。六世祖曰。本來無一物。何處著塵埃。殆此之謂歟。此卽吾儒所謂虛心合道。可以入聖域。可以證佛果。豈徒謀身體之健康云爾哉。

(二) 既病時之治療

臞仙曰。古之神聖之醫。能療人之心。預使不致有疾。今之醫者。惟知療人之疾。而不知療人之心。是猶舍本逐末。不通其源而攻其流。欲求病愈。不亦愚乎。雖一時僥倖而安之。此則世俗之庸醫。不足取也。太白真人曰。欲治其疾。先治其心。必正其心。乃資於道。使病者盡去心中疑慮思想。一切妄念。一切不平。一切人我。悔悟平生所爲過惡。以我之天。而合於所事之天。久之遂凝於神。自然心君泰甯。性地和乎。世間萬事皆是空虛。終日營爲。皆是妄想。知我身皆是虛幻。禍福皆是無有。生死皆是一夢。慨然領悟。頓然解釋。則心地自然清淨。疾病自然安痊。能如是。則藥未到口。病已忘矣。此真人以道治心療病之大法也。又曰。至人治於未病之先。

醫家治於已病之後。治於未病之先者。曰治心。曰修養。治於已病之後者。曰藥餌。曰砭熨。雖治法有二。而病之源則一。未必不由因心而生也。

(病理類)

纂輯中西解剖病理

續十七期

理事

趙意空
樓百城

市醫生

市醫生。唐時人精於醫。顏燧女患蟲疾。覺心中有物。噎食。痛苦不可忍。累年後憔悴欲死。一日聞有醫生治疾於市中。聚觀者甚衆。燧試召之。醫生見曰。此蛇蠱也。立可出之。於是令熾炭一二十斤。然後以藥餌之。醫生乃執小鉗子於傍。良久。女覺喉間有物動者。痛甚。死而復蘇。醫生令開口。鉗出一蛇。長五七寸。急投於熾炭中。自是疾平。

回回醫官

輟耕錄曰。任子昭云。向寓都下時。鄰家兒患頭痛不可忍。有回回醫官。用刀割開。

額上取一小蟹。堅硬如石。尙能活動。頃焉方死。疼亦遄止。當求得蟹。至今藏之。夏雪。裴云。嘗於平江閶門。見過客馬腹膨脹倒地。店中偶有老回回見之。於左腿內。割去小塊。出不知何物也。其馬隨即騎而去。信西域有奇術哉。

新安鄭醫


武林范氏之藏松閣主人有子纔六齡。墮樓折脛。醫人咸束手。有新安鄭某。自言能醫。令取牛筋。劈細。揉熟如絲。以束斷骨。出藥少許。散骨上。以鷄皮封之。兩月能起立。經年平復。有人詢其技之所授。云有祖傳抄本書數十頁。皆傷科秘法。然其藥草非肆中所有。入山採取。往往終歲不得。倘得此藥。便可接骨。惟損及臟腑。則不能治矣。

按古之醫士。能破脅取癥。割服療毒。筋斷能續。骨斷能接。今世雖罕見。然能通其技者。宇內猶有其人。不過得傳者少。而遇之難耳。

說傷寒傳足不傳手之誤

會員

任德元



原件短缺

P 21 - 34

醫

疾如風雨。而為百病之長。故善治者治皮毛。其次治肌膚。其次治筋脈。其次治臟腑。治臟腑者半死半生。是以當明分部。審察外內。用陰和陽。用陽和陰。勿使邪入於臟而成。不救。斯謂之良工。旨哉言乎。此聖人教人察色辨脈。不治已病治未病。不治已亂治未亂也。

論內因之病色一

學

經云。其色散。駒駒然未有聚。其病散而氣痛。聚未成也。又云。腎乘心。心先病。腎為應。色皆如是。（皆如是者。指赤色出兩顴。大如母指。黑色出於庭。大如母指。皆如是聚而不散言。）

雜

誌

此言內因之病。有聚散死生之別也。夫臟病之散而不聚。則其色散。駒駒然如駒馬之逸也。而未有所聚。故知其所痛者。氣焉而已。病出於氣分。而未入於血脈。是猶在腑而不在臟也。若一入於臟。則非復如昔日之病。氣駒駒然行而不留矣。昔之色行散。而病亦散。今之色搏聚。而病亦聚。試舉一例。如腎乘心。則心先病。而赤

色出於兩顴。大如母指矣。腎即爲應。而黑色出於庭。亦大如母指矣。此臟邪聚於臟。從血脈相乘。故色皆如是之聚而不散也。金匱要略云。血氣入臟卽死。入腑卽愈。非惟一病。百病皆然。在外者可知。入裏者卽死。

論內因之病色二

經云。人不病而卒死。何以知之。大氣入於臟腑者。不病而卒死矣。病小愈而卒死者。何以知之。赤色出於兩顴。大如母指者。病雖小愈。必卒死。黑色出於庭。必不病而卒死。

此言外因內因之病。并於血脈而入於臟者。皆爲卒死也。大氣入臟者。外淫之邪。入於臟腑。故不病而卒死。不病者。無在外之形症也。病小愈而卒死者。內因之病。臟腑相乘也。經注赤色出兩顴。黑色出於庭。卽所謂腎乘心。心先病。腎爲應色。皆如是。蓋赤者火之色。黑者水之色也。小愈者。水濟其火也。卒死者。水淫而火滅也。蓋五行之氣。制則生化。淫勝則絕滅矣。夫病在氣者。其色散而不聚。乘於脈中者。

其色聚而不散。大如母指者。血脈之聚色也。腎脈注胸中。上絡心。赤色出兩顙者。腎上乘心。而心之火氣外出也。黑色出於庭者。腎乘心。心先病。腎爲應。而亦隨之。外出也。故色皆如是。皆如是者。色皆如母指大也。蓋臟者藏也。五色之見於面者。五臟之氣見於色也。聚色外見者。臟真之外洩也。未完

診脈法

錄格致叢書

續十七期

心之運力。不惟若此其大。即人病時。或身他處不覺脈跳。而心仍能跳動。有數種冷血動物。心雖剖出。數時後猶能漲縮。如鼈心剖置他處。歷一晝夜。仍有法令其翕動。諺云。其心不死。其此之謂歟。然心歷年如此出力。豈不應有乏倦之時。豈不應有停歇之時乎。否則力似易盡。而心僵矣。凡人身無論何體。連動久久。力必匱乏。強使動作。則病而壞。心亦肉長。何能歷數十年。而力不乏。體不壞耶。此無他。因其每動一次。則有少停也。以每日夜所停之時相加。共得九點至十點鐘之歇息。每息時。能收回其力。按心之動。賴腦氣筋以節制之。筋有兩副。一令心加速。一令

心減速。如此則百體所需血數。可知數發運。人出大力則肉筋與腦氣筋須多得血補其缺。而心必加速動。始能運補。故減速腦氣筋放鬆。而加速腦氣筋收緊。則心能速動。而發血足用。反之人靜息不出力。則二腦氣筋反行其職。使心動減速。而百體復原。完

以上各說。僅論人脈淺近情形。與心大概功用。足徵上天造化人身之妙。巧莫能名。人所造最靈便最奇巧之機器。仍不及其萬萬之一焉。

舒高第脈論

錄格致叢書

續十六期

〔年紀〕

嬰孩時之脈息不等。在一無病之嬰孩。當其出世之日。睡時之脈。其數一百三十至。一百四十至。此係醫士希伯定查出。醫士幾得來云。男女嬰孩出世之日。其脈息最多者。一百六十五至。最少者。一百零四至。中數得一百三十五。差數得六十一。醫士皮拉得考得嬰孩脈之至數。略相合宜。列表於左。

一日至十日	最多數 ^{一百} 八十	最少數	八十	中數	零 ^{一百} 六	差數	以 ^{一百} 外
一月至兩月	最多數 ^{一百} 五十	最少數	七十	中數	零 ^{一百} 三	差數	八十
一月至三月	最多數 ^{一百}	最少數	七十	中數	七 ^{八十}	差數	三十

由此可知嬰孩出世之後其脈息至數頗有參差。故身之有無病情不能從此知之。

自嬰孩至壯年時脈息至數漸漸減少至向衰之時略漸加多。

壯年男子脈息之至數為七十。女子之脈息為八十。在男子最多之至數。畧少於一百。女子畧多於一百。男女最少之至數為五十。最多最少數間之差數。在男子從二十八至五十六。其總數為四十三。在女子從三十二至六十八。其總數為四十八。最少之數為四十六。醫士非陸由所得脈息最少之數為五十五。在有病時極少之至數曾試驗而得之。秘亞來所述之一人。一分時中脈息祇有十七至。白那德所述之一人。當發羊頭瘋時其脈息祇有十四至。希伯定聞有一

人。祇有十二或十六至。有一人因背脊上段受傷後。有暈絕病。而振動。其尋常之脈息。得三十三至。當其振動時。減少至十二至八至。有三四次。不發之時。其病人並無知覺。一分時得七至半。尋常云。此種脈不能以提神之藥感動之。且發熱病亦不能感動之。即如葵來肥司所述之一。故可表明之。

當發熱病以後。並重病以後。將愈之時。脈息至數常減少。爛喉痧病內之異樣。憑據。惟脈遲則分外著名。

後之脈息之極數者。想亦有之。然余未遇。實在極數之脈息。當有病時。脈息至數者有之。醫士竹意試得腦中有水之重病。脈息之至數。為二百有一。醫士告余云。當其己身重心跳病發之時。自己數其脈息。在一分時中。有二百五十至。又有一友云。確有此事。希伯定遇一人。有一百八十至。然而非陸由云。如脈息至數。過於一百四十。則不能數矣。然余自在肺癆病時。數明一百七十至。在一個十歲幼童。臂上生重膿瘡之時。余自詳細數得一分時內二百六十四至。在一秒之時。幾有

九至。此幼童患大腸發熱病。有傷生之虞。

未完

脈學系統之略說

名譽理事 蔣鏡寰

脈學爲四診之一。自內難經以來。言脈者何止百數十家。大都從病脈立言。以言脈學系統。有專書而少程序。以鄙見所及。乃知此中原有系統可尋。第未經一語揭出耳。蓋內經言脈。原從四時平脈說起。卽爲脈學之總綱。凡診斷學上之應用。要須以四時平脈爲標準。將所診得之病脈。與所熟知之平脈。兩相比較。得其異點。斯爲病脈。而定其名稱之謂何。以病脈言。固不可勝數。而相傳以二十八脈爲最著者。曰浮沉遲數。曰長短弦濡。曰大小緊緩。曰動促結代。曰牢弱虛實。曰洪細芤微。曰卑散伏鼓。要皆爲與平脈相較之二十八種大異點也。脈有太過不及。設無平脈以爲平衡。將何從鑑別乎。以此類推。不可謂非研究脈學之準則。但所謂脈息者。非僅脈管跳動之謂脈息。乃脈管中氣血運行氣息之謂脈息。乃脈之氣息。有浮升沉降上來下往之謂脈息。譬諸鼻中之氣息。必呼吸相等之謂鼻息。只

呼不吸。只吸不呼。均非平息。故必如浮如沉。如往如來。兩兩相等。兩兩連屬。方是脈息。方是命脈。此中情形。所宜熟玩。以此爲生人之命根。卽爲脈學之基礎也。內經所言四時平脈之情狀。固惟妙惟肖。然春弦夏鈎秋毛冬石。須知爲取象借名。試言其義。則弦之爲用。本在彈性。平人之脈息。亦在彈性。以弦喻脈。厥狀可知。彈性有多少。故弦脈有弦極弦多弦少之分。甚且有失其彈性而爲無弦之脈也。鈎之爲用。本在於懸。物之懸於鈎者。上懸而下垂也。平人之脈息。本有上而又有下。有下而又有上者。上下息息相等。以其浮上言。譬如脈管中之有鈎。以懸夫脈息。而能常常息息向上者。搏而勿沉。名曰一陰。勿沉卽是如鈎懸者。方是陰之根也。此則以鈎喻脈之天然事實也。鈎懸有高低。故鈎脈有鈎極鈎多鈎少之分。甚且脈有偏於沉者。脈有加懸繩之粹然斷絕一頓者。要爲脈失浮性。而爲無鈎之脈也。毛之爲用。本屬柔爽。平人之脈息。亦屬柔爽。以毛喻脈。其態可見。弦與毛合。剛柔相等。則是脈息彈性柔爽之形容辭也。柔爽有多少。故毛脈有毛極毛多毛少

之分甚且有失其柔性。態度勁硬。而為無毛之脈也。石之為用。本屬下鎮。平人之脈。有浮有沉。浮沉相等。上下相吸。以其沉下言。譬如脈管中之有石。以下鎮。夫脈息。使常常上升。而又常常下降。俾沉部脈息。等於浮部。搏而勿浮。名曰一陽。勿浮。即是如石者。方是陽之根也。此則以石喻脈下降之事實也。鈎與石合。浮沉相等。則是脈息上下相維之形容辭也。由此言之。必兼此四脈之平性。斯為一合性之。一個平脈。鈎為陽升。毛石為陰藏也。古人所以分為四脈言者。乃是一個平脈。分為四象形容耳。未完

(治法)

總論喘症治

續十七期

名譽 張錫純

按大氣下陷之甚者。其努力呼吸迫促異常之狀。與喘之劇者。幾無以辨。然喘證無論內傷外感。其劇者當吸氣之時。肩必上聳。內經所謂肩息也。至大氣下陷者之喘。當吸氣時。而肩愈下垂。蓋因一則吸氣難。一則呼氣難也。欲辨此證。可作吸

氣難與呼氣難之狀。以默自體驗。自無差謬。又喘者之脈多數。或有浮滑之象。或尺弱寸強。大氣下陷之脈。皆與此反對。尤其明徵也。

又有其喘因於氣陷。而兼因於陰虛不納氣者。尤爲難治。可復錄衷中參西錄治驗之案以供研究。一人年四十八。素有喘病。薄受外感即發。每歲反覆兩三次。醫者投以小青龍加石膏湯。輒效。一日反覆甚劇。大喘晝夜不止。醫者投以從前方兩劑。分毫無效。其脈數至六至。兼有沉濡之象。疑其陰虛不能納氣。故氣上逆而作喘也。因其脈兼見沉濡。不敢用降氣之品。遂用熟地黃生山藥枸杞女參大滋真陰之品。大劑煎湯。送服人參小塊二錢。連服三劑。喘雖見輕。仍不能止。復診視時。見令人爲椎其背。言背常發緊。椎之則稍愈。呼吸亦稍舒暢。此時其脈已不數。仍然沉濡。因細詢此次反覆之由。言曾努力搬運重物。當時卽覺氣分不舒。遲兩三日。遂發喘。乃恍悟此證。因陰虛不能納氣。故難於吸。因用力太過。大氣下陷。故難於呼。其呼吸皆須努力。故呼吸倍形迫促。但用納氣之法治之。止治其病因之。

醫

半。是以其喘亦止。愈其半也。遂改用升陷湯。（方載衷中參西錄第四卷。係生芪六錢。知母三錢。柴胡桔梗各錢半。升麻一錢。）方中柴胡桔梗升麻皆不敢用。以桂枝尖三錢代之。又將知母加倍。再加玄參四錢。連服數劑全愈。

學

按此證雖大氣下陷。而初則實不納氣也。升麻柴胡桔梗。雖能升氣。實與不納氣之證有礙。用之恐其證仍反覆。惟桂枝性本條達。能引臟腑之真氣上行。而其辛辣之味。又善降逆氣。仲景苓桂朮甘湯。用之以治短氣。取其能升真氣也。桂枝加桂湯。用之以治奔豚。取其能降逆氣也。且主欬逆上氣吐吸（喘也。本經原有明文。既善升陷。又善降逆。用於此證。方中固有一無二之良藥也。又此證初治不納氣時。為其脈沉濡。不敢用降氣之藥。且加人參以輔之。其得力處全在於此。不然則顧此失彼。氣之不納者未必能愈。而氣之陷者益陷矣。得失即在毫釐之間。臨症者可不慎哉。

雜

誌

吐血暴症之治法

名譽
理專
蕭懷之選寄

黃某素有失血病。一晨起至書房。嗔曝一日。傾血一盆。喉間氣湧。神思飄蕩。壯熱如蒸。頸筋龜勁。診其脈。尺中甚亂。曰。此昨晚大犯房勞。自不用命也。因出驗血。見色如太陽之紅。其僕云。此血如宰猪後半之血。其來甚遠。不識痴人有此確喻。再至寢室。謂曰。少陰之脈。榮舌本。少陰者腎也。今腎中之血。洶湧而出。舌本已硬。無法可以救急。因諦思良久。曰。只有一法。不得已用丸藥一服。墜安元氣。若氣轉丹田。尚可徐圖。因煎人參濃湯。下黑錫丹三十粒。喉間汨汨有聲。漸下入腹。頃之舌柔能言。但聲不出。余急用潤下之劑。以繼前藥。遂與阿膠一味。重兩許。溶化分三次熱服。概以熱湯。半日服盡。身熱漸退。勁筋漸消。進粥與補腎藥。連服五日。聲出喉清。人事向安。但每日尚出深紅之血。蓋許。因時令大熱。遵內經熱淫血溢治以鹹寒之旨。於補腎藥中多加秋石。服之遂愈。

治中風畧說

名譽
理事 王 坦

中風之病。痰壅涎流。或如醉如癡。舌強語謇。或左癱右換。或言語迷糊。或坐時眩

量。或痙厥尸寢。或口眼喎斜。或癱瘓抽搐。中醫名曰中風。西醫稱爲腦血管破裂。二說似枘鑿不入。若以中醫爲非。何以歷代相傳如此。若以西醫爲是。又未聞有切近之治效。以致患斯疾者。十有九不治。遍考古今書籍。所有議論方藥。大都模糊隱約。疑似疑非。察其所載各方。皆以治風之藥。虛與委佗。遵用之亦不見有何奇效。讀張氏壽頤醫案。謂此病爲肝陽上升。激動腦神經。其理最爲顯切。治法宜介類潛鎮。夾痰者須泄痰。根據素問調經論。血之與氣并走於上而爲暴厥。氣復返則生。不返則死一節。並考漢唐宋元治法多錯謬。與近來西醫。只徒知其腦出血之實跡。而不明其出血之理。所以治法不能倖圖一效也。余遵其方說。醫治數人。效果不爽。

針刺期門穴之研究

理事 程 哲

針灸大成云。期門肝之募也。足厥陰太陰陰維之會。銅人針四分。灸五壯。主胸中煩熱。賁豚上下。目青而嘔。霍亂泄利。腹堅硬大喘不得坐臥。傷寒心切痛。喜嘔酸。

飲食不下。食後吐水。胸脇痛。支滿。男子婦人血結胸滿。面赤火燥。口乾消渴。胸中痛不可忍。傷寒過經不解。熱入血海。男子則由陽明而傷下血。譫語。婦人月水適來。邪熱乘虛而入。及產後餘疾等症。余嘗刺期門之經驗。其能主治之病。尙不止此十數症。然在此十數症之中。最多經驗者。而傷寒結胸。及熱入血室。腹堅硬大。喘不得臥。屢刺屢效。無有不應者。他如喉痺之熱氣填胸。小兒驚風之痰喘胸滿。刺之亦皆收效最捷。但刺後必須少佐以應症之藥。以逐其滯塞之邪。如傷寒結胸。針後服陳皮蠶砂湯。以行其氣而逐其邪。如熱入血室。針後服小柴胡湯。加桃仁。大黃草。紅花。以行其血。喉痺針後。或服或吹。隨症施治。小兒痰熱結胸。針後先服藜蘆瓜蒂。吐去其痰。再服天竺黃薄荷煎。送抱龍丸。卽愈。此數症皆經驗而有效者。總之要知胸中熱實之症。方可刺期門。瀉去其熱邪。用針刺之深淺。亦不拘於一定。大人寸許。小兒減半。或祇二三分。取穴之法。卽以乳旁寸半直下寸半爲準。

鍼刺結胸症之研究

前 人

傷寒在六七日之間。誤汗誤下。致邪熱入裏。最易變成結胸。而婦人傷寒夾氣鬱者。亦最易成結胸。推原其故。蓋汗固有可汗之症。下固有可下之症。方邪熱之正熾也。試問何經能獨容之。故仲景有三陽合病一陽併病之名。內經有六日傳遍三陰三陽七日復傳之說。果如此也。汗之則重傷其營衛。胸中氣虛。則熱邪乘虛而入。下之則重亡其津液。中氣內陷。則熱邪亦乘虛而入。至於婦人多鬱。當其六日傳經已盡。為胸脅鬱氣所阻。亦致熱邪入於胸而不散。故皆能成結胸也。仲景用大小陷胸湯治之。有效亦間或不效。余每逢此症。用針刺期門。在乳旁半寸直深行子午補鳩尾。在蔽骨下盡處中腕。在臍上四寸即臍與鳩尾當時即可減輕。濕法三次起針後勿令出血。亦不必多揉其針孔。使其胸腹內之熱氣。隨用陳皮一兩煎湯。不時漸漸飲之。不一日即自然得汗而解矣。蓋結胸症。為熱邪在胸腹腔中不得發瀉。故用其他方法。均不如刺前四穴直洩其邪之為愈也。

論瘡疽辨膿施針之研究

名譽會員 楊孕靈

手術之關係於瘡疽多端。有發於骨髓者。有發於筋脈者。有發於肌肉者。有痰之腫。有氣之焮。大抵辨形察色。可以知其吉凶。然疽之可消與否。膿之已成未成。不施手術。不足以斷其確實。假如外面不紅不腫。內則貼骨疼痛。輕按之不熱。力按之。乃覺蒸熱。若以兩手重力按之。一起一按（即參差按吸）內似動搖。根牢而大者。則膿成於骨髓之候也。如腫平堅硬。肉或變或不變。或焮熱疼痛。以兩手按之。內有物如梭穿行者。則膿成於筋脈之象也。如高腫而軟。色紅而熱。按之陷而復起。有如革囊盛水之狀者。則膿成於肌肉之徵也。若痰之高腫。肉色如常。患處不熱且冷。按之隨手而起。外雖高腫。而內實無膿。以其肉色不變。腫上不熱故耳。可以內消。不可誤為有膿也。若氣之焮腫。患處不熱不冷。如平人之溫度。按之覺呱呱有聲者。其候始終尙可消也。以上數端。若不悉心研究。則膿之有無不能斷。瘡疽之生熟不能明。至於用針之手術。尤當考究。疽生於骨髓者。針之宜畧深。（可

入寸半）生於筋脈者。針之宜稍淺。（可入寸許）生於肌肉者。針之只宜五六分。如此可以俱達膿所矣。更有點穴不準。動針無膿。而反增其痛者。傷筋截絡而出血不止者。此非疽之無膿。乃施針之手術不佳故耳。膿已成。卽當針之。當先定其穴部。避其經絡。量其淺深。辨其寒熱。而施針。若膿未成。而遽針之。則氣先泄。而膿反難成。膿既熟。而不針。則腐潰愈深。而反攻內膜。傷筋蝕骨。症必難瘳。要之。辨膿施針之際。不外審乎患處之寒熱。腫痛。生熟。淺深。數端而已。

治腦疽之研究

會員 望 規

腦疽生於項後。而對前口。有正有偏。發於正者。屬督脈經。爲正腦疽。俗名正對口。發於偏者。屬膀胱經。爲偏腦疽。俗名偏對口。正腦疽多係外感風溫。陽亢熱極。而生。其證焮赤腫痛。色鮮紅活。根束頂尖。易於潰膿。生肌斂口。所以然者。以督脈純陽。起於尾閭。貫脊上行。巔頂。能使毒氣上升。衝突高腫外發。不致下流低陷。故順而易治。偏腦疽多係內積滯熱。陰虛火極。而生。其證漫腫色暗。平塌堅硬。根脚走

散。難以成膿。難潰難斂。所以然者。以膀胱脈寒水。起於巔頂。貫頂兩旁。順下而行。能與瘡毒交會下流。故逆而難治。然俗以正爲重。以偏爲輕。未知其理故也。其治法無論偏正。當初起時。有寒熱往來之表證。俱宜服荆防敗毒散。有口唇焦紫大渴大便結燥之裏證。俱宜服內疏黃連湯。若瘡勢已成。俱按金鑑癰疽腫瘍潰瘍門大法治之可也。

(治療各稿)

肝病頭痛治驗

名譽理事 費澤堯

俞君薇棠。年念五歲。患頭痛病。已十有餘年。遇天氣晴雨交變。輒發。發則且嘔。不能辦事。俞君苦之。求余診治。並告曾在上海經西醫診治。謂由於血熱不清所致。屬服阿司匹林及咖啡等等。即能減輕痛楚。因常服西藥。取其暫時減痛。而除根終苦不能。歲耗藥資。姑且不論。而一歲中幾乎半年困於病鄉。斯爲憾也。余先詢其病部。則謂痛在顛額顛顛等部。後頭及頭巔則安然無恙。痛時顛顛動脈充血。

梗起。必至痛休而復常。余曰。君得無素有便堅之習慣乎。曰然。按其脈搏弦細而鼓。握其兩手指皆冰冷。詢之足指亦然。且謂痛作四末即冷。痛止方漸還溫。痛劇則冷甚。痛緩則冷微。每次病作皆然。余曰。此係肝病頭痛也。內經有云。肝病氣逆則頭痛。蓋膽囊附於肝葉。膽汁之泄。必賴肝氣之疏。君便素堅。可知疏泄之不利。疏泄不利。則由肝氣之不順。肝氣不順而上逆。則頭痛。此病理之顯然者。况痛時四末逆冷。胸中嘔噦。在在爲肝病之徵象。何西醫不察也。西醫治病。總注意其局部。而不究其病原。此余所不敢贊同。卽血熱不清。當察其何爲而致。徒以阿司匹林咖啡等之清熱劑以治標。宜其病之不愈也。至病發每遇天氣晴雨交變時者。蓋以肝爲罷極之本。內寄相火。其性主動。因天氣之變動而生感應也。且肝爲風木之藏。天氣晴雨交變。必閒以風。不過風發有微甚。人有覺有不覺。故亦可謂同氣相感也。俞君深以爲然。曰。君言頗中病情。但未識能否奏除根之效。余慰之曰。君毋憂。期以半月。病當霍然。遂用當歸身錢半。生杭白芍錢半。左秦艽三錢。嫩桂

枝八分北細辛三分瓜蒌仁三錢通草一錢粉甘草五分生薑二片大棗二枚煎服。另每晚服當歸龍薈丸三錢淡鹽湯送下。一劑服下頭痛即止。三劑大便亦較爽。服至六劑適逢天雨。而頭竟不痛。微覺昏暈而已。囑再服四劑。病竟霍然。計當歸龍薈丸共服至八兩許。大便毫無堅澇故態。後乃囑於每晨勿食早餐。僅飲淡鹽湯一盃。數月於茲。厥疾未發。

外感挾伏氣治驗

名譽理事 徐召南

孫某因事他適。中途偶覺寒驚。歸途惡寒。寒已亢熱。畏風自汗。頭痛眩不能直。其妻邀余往診。脈浮緊而數。小溲赤熱。乾嘔不欲飲。寒則如水澆。熱則如火燎。往來無間。舌本絳苔白薄。此外感引動伏氣。乃蓄之久而發之暴也。不可遽用寒涼。致將外邪抑遏。雖脈現數象。舌絳溲赤。仍宜先解在表之寒邪。故以桂枝羌活川樸炒苓知母煨草果仁白芍甘草海南子滑石豆豉生薑蔥白紅棗等。緣其身體壯實。是以用辛烈開氣之品。畧佐苦寒。冀將伏氣引從表出。一劑得透汗而惡寒已。

是寒邪已解之徵也。次日舌苔轉黃。脈數鼓指。腕中滿悶。伏氣已有外達之機。乃從清解法。用連翹銀花豆豉牛蒡子薄荷桔梗滑石蚤沙通草山梔炒芩甘草荷葉薑皮等。一劑而諸證愈其大半。舌胎仍黃而又起糙。捫之欠潤。腕滿渴飲溺赤。擬清宣法。梔豉翹荷芩連蘇梗藿梗滑石川樸通草知母蘆根等。一劑脈靜身涼。惟自得病迄今。大便未行。服昨方。覺大腹有塊。陷至少腹。微脹微痛。欲便不得。其脈沉取鼓指。浮取柔和。舌絳苔根厚少津。此蓋津液微受其灼。難以濡潤腸胃。猶舟之無水不可行也。吳鞠通緣有增水行舟一法。遂以麥冬鮮生地玄參玉竹甘草蘆根甘寒生其津液。少佐元明粉製生軍蕩其餘熱。更少佐枳殼以助硝黃推下之力。服下一時許。連得絳色硬屎三次。由是胃氣大開。調養數日仍復本來之面目矣。

產後泄瀉治驗

名醫 理事 徐伯英

武玉書之孫媳胎前患腫未治。迨產後復增泄瀉。周時十數次。身熱神疲。萎頓不

支。食飲不進。醫投利水滲濕之藥不應。其勢奄奄。乃邀予治。切其脈兩手細滑而沉。右關尤甚。視其舌質淡。舌涎多。苔白厚。詢其分娩已十二日矣。知其中宮陽氣爲水溼遏伏。下陷於陰。不能運化精微。上輸於肺。反下注而爲泄瀉。以大劑理中湯壯中宮之陽。重加生黃芪升下陷之氣。更加當歸以升血中之氣。兩劑而泄瀉已身熱除。飲食進而胃氣和矣。越三日又迂診治。云身熱又復。食慾又減。而胸背間滿布白痞。微有咳嗽吐白沫稀痰。切其脈右寸現浮。余曰。此溼邪有外出之機。佳兆也。仍以原方畧加苦辛芳香之藥達之。又兩帖而愈。

痛經治驗

前人

朱鴻歧夫人患痛經症。每值行經之前。少腹絞痛發熱口渴。必待經淨。諸苦方休。經來甚少。色絳氣腥。延及二年非常困難。求余治之。診其脈象。弦中帶數。舌紅苔白厚。知爲血中氣滯。而衝任有熱也。唐容川謂血熱者水之不足也。仿丹陽林氏治徐氏痛經證法。用景岳謂經飲加烏藥小茴香。四物湯麥冬花粉阿膠等服四

劑。迄下期。其痛不作。血亦不絳而多矣。

腹痛治驗

前人

余姓婦備於蕪城某第。其東主園中廣種萊菔。值天癸來時。食生菜菔數枚。遂致臍下絞痛。時作時止。十餘日不能愈。吸阿片亦不能休。乃返里就余治之。備述前因。余曰。此衝任為冷氣所浸所致。蓋衝任二脈。下起胞中。上麗陽明。胃。當天癸下行之際。二脈空虛。虛則冷氣易侵。侵則血氣為之凝泣。而不通矣。宜以溫通之品。驅其寒。運其血。通則不痛。熱則流行。此治寒之大法也。用金匱溫經湯去丹皮。麥冬一劑而瘥。

踝骨足跟痠痛治驗

名譽理事 陳步丹

宋某患踝骨足跟痠痛。先由同事任君診治。進以祛風通絡之品。服後不見動靜。後由任君囑余診之。余診其脈。尺部沈細。察其症。踝骨足跟痠痛。以手按之。其冷如冰。余細思之。祛風通絡。宜乎合度。何以如水投石。病不見減。再再思之。乃知骨

第十八期 雜通門

五十八

者腎之所主。腎陽不足。寒溼逗留。徒以祛風通絡。而不兼以壯腎之陽。是以不能減其病也。余卽宗任君之意。畧加壯腎陽之品。如熟地。虎骨。巴戟。肉陽。起石。枸杞。鹽水炒。杜仲。菴蓉。威靈仙。秦芫。牛膝。續斷。鷄血藤之類。引以陳黃酒。服十劑。其病霍然。

醫案門

關於心理之療治二則

醫術列傳曰。蘄有富家子。竊出游。偶鄰人有鬥者。排動屋壁。富人子方驚懼。疾走出。惶惑突入市。方陳刑尸。富人子走仆尸上。因大驚發狂性。遂錯。醫百方不能已。龐安時爲劑藥。求絞、囚、繩、燒、爲、灰。調藥一劑而愈。

葛可久案。富家女病四肢痿痺。目瞪不能食。衆醫不效。葛命悉去房中香奩流蘇之屬。掘地坎。置女其中。令家人俟女手足動有聲則告。久之。女果手足動而呼。投藥。明日女自坎中出矣。蓋此女平日嗜香。而脾爲香氣所蝕。故得是證。

關於火極似水之治療三則

後漢書華佗傳。有婦人長病經年。世謂寒熱注病者也。冬十一月中。佗令坐石槽中。且用寒水沒灌。云當滿百。始七八灌。戰欲死。灌者懼求止。佗令滿數。至將八十

灌熱氣乃蒸出。器器高二三尺。滿灌。佗乃燃火溫牀。厚覆良久。汗洽出。着粉。汗溲便愈。

宋濂集。戴原禮案。松江朱仲文。長夏畏寒。身常挾重纊。飲食必熱如火。方下咽。微溫則嘔。他醫授以胡椒煮伏雞之法。日啖鷄者三病愈。原禮曰。脈數而大。且不弱。劉守真云。火極似水。此之謂矣。椒發陰經之火。鷄能助痰。祇以益其病耳。以大承氣湯下之。晝夜行二十餘頓。減纊之半。復以黃連導痰湯益竹瀝飲之。竟瘳。錢福耀。好善知醫。有某太守母。暑月患疾。衣重裘。尙自寒。羣醫愈以熱劑投之。不效。延錢診治。觀病者兩顴赤。舌色黑燥。知係實熱內伏。攻去內熱。外邪自去。急命飽飲瓜汁。少選泄去惡滯。安然熟睡。寤後汗出如雨。其疾良瘳。

關於針灸之神術二則

宋徐文伯嘗與宋少帝出樂游苑門。逢婦人有娠。候診之曰。是女也。問文伯。伯曰。一男一女。男在左邊。青黑色。小於女。帝性急。令剖之。文伯惻然曰。臣請針之。必落。

便針足太陰。補手陽明。應針而落。果如徐言。

宋史龐安時傳。有民家婦孕將產。七日而子不下。邀安時往診之。纔見。即連呼不死。令其家人以湯溫其腰腹。自爲上下撫摩。孕者覺腸胃微痛。呻吟間。生一男子。其家驚喜。而不知其所以然。安時曰。兒已出胞。而一手誤執母腸。不能復脫。故非符藥所能爲。吾隔腹捫兒手所在。針其虎口。旣痛。即縮手。所以生。無他術也。取兒視之。右手虎口。針痕存焉。

報告門

研究壽陽縣報告喉症

據壽陽縣電稱。該縣馬家寨等處。小孩發生白喉病症。初起頭暈發寒熱。二三日飲食不進。大小便不利。病遂危險云云。查現在天氣乾燥。冬不藏陽。溫毒內鬱。外感風邪。易生喉痧病症。勢極猛烈迅速。鄉愚無知。普通呼爲白喉。無論有無表症。概以養陰清肺湯寒涼遏抑之品投之。多致不救。本會於本年二月內。刊有喉症方論一冊。分送各縣。內中辨別白喉及喉痧二種。最爲詳晰。觀此次該縣報告所述病狀。亦模糊不真。而表邪諒必不免。茲將前書再送一冊。務請細審情形。如法治療。並附急救二法於後。

一吐法 喉症閉塞。危險之急。藥不能嚥。有用吐法者。川連牙皂。鴨嘴膽礬。以上三味每味一錢。置新瓦上焙乾。共研細末。吹入喉內。立刻吐出毒痰。用

老醋調
灌亦可
氣通則病勢頓減。然後湯藥可以下咽。此無上妙法。惟須善用適可
而止。

一外治法 用蒜泥填於杏殼內。裹於大指足根窩處。即陽六閱兩三鐘當起白
泡。用銀針挑破。此法治白喉最效。

研究高平縣賈樹棠報告時症

接報告貴縣發生一種時症。初起頭痛異常。欲得帶束。病者自言痛如錐刺。微惡
寒。身微熱。氣喘。小便黃。大便溏。及其將死。多有身現斑疹者。其後之變症不一。而
頭痛一症。在所必有。云云。囑會研究治法。查此症顯係瘟疫。疫症初起。有似傷寒
太陽陽明證者。然太陽陽明頭痛。不至如破。而疫則頭痛如劈。頭為諸陽之首。火
性炎上。毒火盤踞於內。五液受其煎熬。熱氣上騰。如籠上熏蒸之露。故頭痛如劈。
沈重難舉。且頭有汗而目昏瞶。總因火毒達於二經。太陽毒參陽位。用釜底抽薪
法。撤火下降。其痛可止。其疹亦透矣。宜清溫敗毒飲。尤宜隨症變通。生石膏二

錢至五 烏犀角二錢 梔子二錢 川連二錢至 苦桔梗錢半 生條芩二錢 知母二錢

赤芍三錢 連翹三錢 丹皮二錢 竹葉三錢 元參二錢 甘草一錢 水煎服 石膏先

煮 如見斑疹加大青葉三錢 升麻三四分不 泄瀉甚者減生地元參知母之半

覆夏縣分會報告小兒時症

逕覆者接來函，暨病症表一紙，察查情形，小兒發熱，欬嗽，間或腹痛。三日後，身出疹點各節。其為疹症無疑。惟疹症有正疹溫疹之分。正疹俗名糠瘡。治宜宣毒透表。溫疹係風熱。治宜清熱解肌。本會第一期醫學雜誌報告門內，研究證別及治法甚詳。來表未將一切證象填報齊全。未便遽然斷定。請查明雜誌所載詳細審察。依法治療。如辨別不真。則末後載有正疹溫疹兼病方法。用薄荷葉 芥穗 炒牛蒡 銀花 連翹 丹皮 赤芍 杏仁 浙貝母 滑石 酌加升麻葛根各二三分可也。此覆云云。

通訊門

蘭谿中醫學校教務長張山雷先生致本會理事長書

階三先生道鑒。夏間接奉。

還雲并賜以醫學雜誌全份。讀諸作琳瑯滿目。爲國學增光不淺。而又有參之新學說。以輔舊說之所未逮者。實能集彼之長。以與古昔緒論。互爲參證。絕非舍己芸人。徒拾唾餘以相誇耀。願竊謂必如是。始不負往古神聖發明之苦心。非然者。競爲新學家樹標榜。恐在己未必固有心得。而在彼亦何嘗謬許相知。此近今少年氣盛一流。纔得一二皮毛。而遽信口雌黃。鄙夷舊學者。固未足與語此中之真味也。日者又奉教言。欲爲貴校求教材。不恥問道於盲。囑爲推覈。願所交未廣。奚足語此。又以嫁綫勞人。致稽裁會。罪甚罪甚。伏惟先生抱振興國學造就人才之宏願。單開學術根柢數條。上之爲邃古醫經作真詰。次之爲歷代名賢紹心傳。近

之爲中外兩家求一貫。包含萬有。正法眼藏。欽佩何極。願雖不才。不獲爲大賢執鞭。贊襄末議。而自問頻年東抹西塗。志趣未嘗不與先生如出一轍。對於經義。雖不敢妄爲箋注。然嘗有讀素靈隨筆數冊。偶就見解所及。條述私臆。縱未能融會貫通。而見智見仁。於經文同異。注家得失。詮解不少。稿已粗就。當思訂定付印。就正海內。雖經一種。今年以滑伯仁本。稍加詮釋。釐爲三冊。其首卷已於夏間郵呈座右。未諱能於公暇餘閒。一塵青睞。否仲景傷寒別有隨筆兩冊。尙未泐成。近又有輯經脈俞穴新考正一種。并以經脈循行俞穴分寸。各爲歌括。旁及奇經八脈。共成二冊。冀爲學子易讀易記之計。校正靈樞甲乙脈經千金外台太素諸本同異。用心頗勤。而必以實有所證爲依歸。不敢徒逞私心。憑空杜撰。或亦賢於博奕之所爲。茲寄奉上冊一本。仰就斤繩。若謂歷代名醫學案。博采精擇一層。是尤壽頤十年來留心最久。向讀古人治案。每覺精粹處。爽心豁目。飲我上池。而亦頗多大謬不然之治法。亦謂如何捷效。心竊疑之。在十年前。即分類編目。嚴定去取。年

來依目編輯。纂爲古今醫案平議若干種。分條詮解。信其所信而疑其所疑。自謂尙有一得之見。道古人所未及道者。前已郵呈時病中之一冊。計已上達典籤。茲又附上中風治案二冊。敬求教益。此外各類。雖未一律脫稿。然成者已得多冊。餘亦條例楚楚。苟得稍假歲月。當可漸底於成。未完

本會理事長覆張山雷先生緘

山雷先生有道。昨奉手教。洋洋千言。展誦數過。既服先生學術之精。見解之卓。而對於敝會。不吝金玉。意摯情真。尤令人感佩無已。弟投身政界。於醫學素少研究。特見夫吾國祖學。日就淪漚。不敢不勉竭棉力。亟圖發展。近年來東南各省通儒名醫。靡不具此理想。組織學會。救弊起衰。惜乎其勢渙。其地分。如武昌如紹興各社。多廢半途。殊可惜也。誠能結合一大團體。如清代編纂醫宗金鑑辦法。萃全國之名流。衷羣言於至當。遠稽古籍。近採歐西。萬緒千條。歸於一貫。俾名山著作。無廣陵散之歎。而全國醫校。亦俱有一定之適從。豈不偉歟。醫術儒術。本無二理。歷

代名醫類皆積學之士。經史百家小學訓詁靡不深究。蓋其始也苦於不得入。既入矣。又苦於不得出入。而能出。斯頭頭是道。滴滴歸源。今讀先生現今所寄各種講義。貫激天人。媵通中外。神明變化。闡發無遺。所箋難經。掃除粗糠。獨具法眼。活潑潑地。絕不以辯駁見長。一以實用爲主。讀古人書。不當如是邪。敝校亦有難經教授一門。今得大箸。如瞽者之有相。宵行之得燭矣。讀醫案平議。剔抉幽微。詳審精密。借西說以實經典。確切不移。使千載沈晦。大放光明。聚訟紛紜。煥然冰釋。中風一案。可以舉一反三矣。學無論中西。只此一理。而一則知其病之所在。而治法過於簡單。往往無效。其弊在於不信陰陽氣化。不究六經起止。一則雖有治法。多由理想獲中。而卒不能實指其確據。其弊在於忽畧經文。而中國解剖之失傳久也。今先生發前人所未發。開後學無限法門。功亦偉哉。又讀經脈穴俞考。博極羣書。參互考證。並搜及海外流傳之太素經。以證明異同得失。何快如之。所編歌括。尤裨初學記誦。亟宜登諸雜誌。公諸海內。望將下冊。及續編醫案平議。源源惠寄。

爲感。大箸讀靈素隨筆。傷寒隨筆。何時出版。並望示知。以便購讀。先生名播遐邇。春風時雨。當無畛域之分。千里雲山。無由覲面。幸交通尙便。不知肯作西北之遊。否。如承不棄。萬望緘示。以便奉迓。無任跂盼云云。

抱一道人致本會書

（上略）閱津益世報載稱山西清源文水等處。白喉症肆虐。傷人無算等語。又云。經貴省執政令行貴會研究治法。閱之甚爲惻然。想貴會諸公。明達有素。自不難應手奏效。迎刃而解。惟此症猖獗異常。狀至不一。而治法亦不能一概而論。前清光緒十六七年時。鄙人隨家君於甘肅玉門縣任所。彼時此症大行。甚至有全家俱盡者。諸醫束手。莫可如何。蓋古書無此症也。嗣後有白喉忌表一書。刊佈流行。專以清鎮解毒。滋陰涼血爲歸宿。然照方用之。有效有不效。家君與鄙人亦鑽研治法。煞費苦心。後用仲景金匱要略中治陰陽毒之升麻鱉甲煎。一用輒當。後竟百治百效。從無一誤。卽病至危殆者。但得下咽。無不立愈。蓋此毒由氣傳染。由鼻

而入居於肺。經云霧露之邪。中人則客於上焦。故其色白。方中升麻專清肺胃。提邪使出。更以川椒生草雄黃滌其餘毒。鱉甲當歸入血分。滋陰而安其營。兼搜不盡之毒。藥僅六味。靈驗無比。特自忌表之說起。咸以升麻為大禁。致善法無由得彰。而罔死者卒不得救。尊處如已研有善法。則此法僅可存而不論。如尙未定。請卽一試此方。倘得救濟多人。則亦吾人之願也。再喉腫難下湯水者。王潛齋叢書中有錫類散吹喉立消方。中有象牙珍珠人甲屑青黛壁錢中蟻子。須土壁上者木牛黃冰片等味。升麻鱉甲煎。古方分量甚重。然減為十之一。卽可奏效。服此藥後。白泡卽先變為紅色。且有白皮自落者。白喉書中云白皮自落者不治殊不盡然又有變及一半者。而腫處自消。此愚父子屢經試驗。絕無欺罔。如其不驗。甘受其譴。

升麻 原方二兩 今用二錢 甘草 原三兩 用三錢 當歸 原二兩 今用二錢 川椒 原二兩 今用二錢 鱉甲 原掌大一片 今用五錢

雄黃 用二錢 沖服 水煎溫服 凡挨門傳染身痛如被杖或隱處有疔疔者均治

葛廉夫先生致本會書

敬啓者鄙人近以俗冗繁雜。又抱薪憂。拙著肺病論。未獲抄寄。茲奉函催。特先抄錄兩篇。以補雜誌之闕。請察閱爲荷。鄙人是著。本不值識者一笑。尅日將告竣。白宮頗注意。意欲以命令頒行。請貴社嚴禁轉載。拜託拜託。此致云云。

浙紹何君廉臣致本會楊君如侯書

（上畧）大箸靈素生理新論。弟已購到四部。拜誦之餘。殊深欽佩。生理學爲醫學入門之要素。弟已閱過十餘種。皆有新而無舊。是書一出。使全國醫材。知生理學本爲吾國所固有。庶不致以紫奪朱。仁兄可謂軒岐之功臣矣。前清光緒時代。弟曾與周雪樵丁福保二君。創辦中國醫學報。二十餘年來。不過以文字作傀儡。枝枝葉葉。毫無寸進。卽瀏覽全國醫報。大致主標榜醫名。而不主發揮醫理。似此報章。雖多奚益。據弟愚見。必先徵求十餘同志。將吾國歷代醫學。窮源竟委。先從無方之書入手。編成基礎醫學。如生理、衛生、病理、診斷、療法制方等學。後編專科醫學。釐定科目。仿現今科學體例。編成各科講義。公推仁兄總其成。呈請教育部審

定。頒行全國。作為教授醫學之課本。則中國自有統系者醫學矣。是否有當。還乞尊裁云云。

無錫周小農君謝贈靈素生理新論函

(上略)忽接惠書。披誦之下。仰瞻道貌。藹然令人起敬。大著以六年苦心。發摠靈素奧旨。貫通西說。至理名言。羽翼經傳。從此生理奧妙。得有系統。真吾宗之馬鳴龍樹矣。宜乎預約展期千五部不敷應求。惟望努力續撰。加惠醫林。曷勝遙祝云。

上海中醫學會謝贈靈素生理新論函

山西研究會大鑒。頃奉惠贈楊君所著靈素生理新論一部。內容至為完備。可稱醫界巨擘。嘉惠醫林。豈淺鮮哉。爰誌數言鳴謝云云。

常熟張汝偉君謝贈靈素生理新論函

(上略)昨承郵賜靈素生理新論全部。拜領之下。銘感無已。披閱大著。證印中西。深得三昧。有裨後學。實非淺鮮。壽人壽世。可無疑矣。特奉專函藉伸謝悃云云。

專著門

新攷正經脈穴俞記誦編

嘉定張壽頤山雷甫稿

緒言

十二經脈。其源蓋本於古之鍼經九卷。而甲乙經脈經太素千金諸書。皆從之出。今本靈樞。尤其晚矣。顧近世醫家者言。輒謂今之靈樞。卽是古之鍼經。幾若周秦舊籍。相沿未改。皆由目光太短。未嘗合諸本而校覈之耳。蓋靈樞之出最晚。并未經宋仁宗朝諸醫官校正。故僞誤最多。觸目皆是。試合甲乙脈經太素千金諸書而一考其文義。則凡有異字。靈樞每不如各本爲長。或謂靈之成書。卽出於王氏啓玄之手。然據王注素問所引諸經脈之循行。又多與今之靈樞不符。則今本靈樞。猶在啓玄所見之後。譌舛固已不可勝言。而俗子猶誤認爲上古舊物。何其陋耶。茲錄經文。參用各本。而附之考正。疏其得失。兼采諸書之

長。以校正其訛誤。皆有實在證據。不敢參以一毫臆見。其心有所疑而未得確證者。則別爲存疑。絕不妄改一字。而經脈之循行。及穴俞之分寸。皆難記憶。自前明馬氏蒔編爲歌括。頗便學者。但惜其甚多詰屈。亦不易讀。不揣鄙陋。重編一通。惟以淺顯明旨。易讀易解爲主。庶幾爲初學入門之一助云爾。時上元癸亥孟秋之月。山雷重訂舊稿於浙蘭之中醫專校。

肺手太陰經脈循行經文

肺手太陰之脈。起於中焦。下絡大腸。還循胃口。上膈屬肺。從肺系橫出腋下。下循臑內。行少陰心主之前。下肘中。循臂內上骨下廉。入寸口。上魚際。出大指之端。其支者。從腕後。直次指內廉。出其端。

（考正）高各本皆作膈。○惟太素八卷經脈篇。皆作膈。不從肉旁。最是古文真本。今從之。後倣此。○（壽頤按太素久佚。四庫館亦未著錄。光緒丁酉。袁爽秋昶始以海外傳抄之不全本刊行。其第八卷已缺首葉。手太陰經在葉中。乃從

靈樞經脈篇補入。所以此節上鬲亦作上膈。惟據以後諸鬲字。皆無肉旁。知太素元本固鬲字也。○脈經無肘中二字。壽頤案此是脈經佚文。肘以上爲臑。肘以下爲臂。若無肘中二字。便不分明。○次指內廉。今本靈樞上有出字。壽頤案此是靈之衍文。下有出其端句。已極曉暢。若再衍一出字。則疊牀架屋矣。脈經千金皆無此出字是也。今從之。

肺手太陰經脈循行歌

手太陰經起中焦。來源直接肝經交。下絡大腸聯表裏。還行乃與胃相遭。復上貫鬲屬之肺。本經本藏相維繫。出之乳上三肋間。再上外行腋肉際。過腋乃循臑內廉。二陰在北太陰南。下來過肘行於臂。上骨下廉仔細探。臂內前廉脈大會。寸關尺部近手腕。既經寸口直上魚。掌邊大肉是魚際。乃循拊指出其端。爪甲內側本經完。支脈別從腕後出。抵於次指陽明看。

(注)肺手太陰經出於中焦。乃接肝足厥陰經而來。下行以絡大腸。則大腸與

肺相爲表裏。凡一表一裏之經。必互相聯絡。手太陰經既絡大腸。乃還而上行。循胃上鬲。以屬於本經之肺藏。乃循肺系而出於乳上三肋間之中府雲門二穴。（肺系即肺管）復向外而行腋內。循臑之內廉。而下行於手厥陰手少陰二經之前。（廉側邊也。南北以人身南面而言。太陰行於前。二陰在其後也。）以下肘中。循臂內。入寸口。上魚際。皆在臂內之前廉。循大指內側。直出爪甲角之少商穴。其支者則從腕後本經絡穴列缺別走陽明。從次指內廉。直出指端。以交於手陽明經。

肺手太陰經脈俞穴分寸歌

肺手太陰十一穴。中府原從乳上出。華蓋兩旁六寸開。三肋之間動不輟。上行寸許到雲門。巨骨穴下脈堪捫。璇璣任穴旁開六。氣戶旁邊三寸真。從此行手取天府。腋下三寸應手處。經行厥少兩陰前。臑內上廉君記取。肘上五寸是俠白。循臑下行有動脈。再行直到約紋中。筋骨罅間尋尺澤。腕上七寸有孔最。上骨下廉陷。

中候。去腕寸半列缺來。絡別陽明此處走。經渠寸口關之前。掌後橫紋會太淵。經屬太陰統百脈。朝宗大會此探源。上魚拇指節後側。魚際隆然肉白色。指端內側是少商。爪甲角際非葉識。

肺手太陰經脈俞穴分寸考

中府一名膺中俞。一名膺俞。在任脈華蓋穴旁六寸。乳上三肋間陷中。動脈應手。手足太陰二脈之會。雲門在中府直上。隔一肋骨。即手陽明經巨骨穴下。動脈應手。亦即任脈璇璣穴旁之六寸。足陽明經氣戶穴旁之二寸也。日本人原子柔經穴彙解曰。胸部諸穴。各在骨間。不待言分寸。按原氏之說甚是。諸本於胸前各經之穴。分寸多不一致。即此理也。天府在腋下一寸。臑內前廉動脈中。俠白在肘中。約文之上五寸。臑內前廉動脈。尺澤一名鬼受。一名鬼堂。肘中動脈。在屈肘橫紋中。兩筋骨罅陷者。孔最在腕前約紋上七寸。列缺手太陰之絡。別走陽明者也。在腕上側。去腕一寸五分。經渠在寸口中動脈。按此即切脈

之寸部也。太淵一名鬼心。在掌後橫紋頭陷中動脈。魚際在手大指本節後內側白肉際。按指之本節。蓋謂指節之本。即大指之第二節。及四指之第三節是也。諸俞穴之言本節前本節後者。皆當以此推之。手大指之後。大肉隆起。其形如魚。因名曰魚。而穴在其間。即名魚際。少商一名鬼信。在手大指內側爪甲角白肉際。如韭葉。經穴彙解曰。去爪甲如韭葉者。其肉形如韭葉耳。非謂離去爪甲尚有韭葉許也。壽頤按古書本謂如韭葉。原氏之說甚是。自後人加一許字。遂滋疑竇。讀古人書。不可師心自用如此。未完

譯叢門

世界大戰內外科上之經驗及進步序略

第十七期

主任 楊永超

西境正在酣戰。而東境亦乘時而起。後轉戰於俄國波瀾等地。望扶斯痢疾相繼發生。而發疹望扶斯。本平時所罕見。戰場之上。一再發見。醫界於此獲經驗不少。及至春往夏至。虎列拉又應時而生。又於醫界增智識經驗非淺。吾人於各種危險傳染症。悉按一切公共衛生條例辦理。且實行血清預防法。如防痘則用痘漿。防望扶斯與虎列拉。則用望扶斯血清與虎列拉血清。在法國之北鄙與俄國之內地。上述之傳染症。賴此預防之力。未能蔓延。此吾所親見者。此外尚有保護祖國指德之規定。凡患過傳染病之兵或軍官。不准其入德國境內。即因要公必須回國者。亦須按一切消毒手續。詳細審查。而後放行。在德俄交界之處。設有八站。

專爲預防傳染病流入德境而設。無論何人。凡欲入德境者。必須在所設之站內。暫時停留。軍衣行裝。按法消毒。身上污垢以及毛髮。均須完全除淨。而後得入德境。統計每日檢驗消毒者。爲數總在十萬人以上。有此偉大動作。而各種傳染菌。始不得由俄流入德境。

一千一六年。正在法國北鄙劇戰之時。氣疽一症。發見最多。此爲一種傷口傳染症。組織內陡生許多氣體。平時此症最少。故醫界於此無甚經驗。戰時此症甚多。醫界得獲許多智識經驗。由經驗而研究治法。果研出一種極有價值之治法。惜治法研出之時。而戰事已告完結。竊恨其未能及早研出。多救若干死於氣疽之人也。(未完)

漢藥麻黃之醫療應用及藥理

章飛仙譯

麻黃有赤根。卑相卑鹽。狗骨。龍沙等別名。歐洲印度及我國之蒙古多野生之。爲麻黃料植物。其味收斂性而有一種麻醉藥之香氣。

麻黃在皇漢醫法為重視之發汗藥。古醫家有名之處方。例如麻黃湯。葛根湯。青龍湯。即以麻黃為其主要成分。

麻黃湯 (麻黃 二錢 桂枝 一錢三分 甘草 六分 杏仁 十個)

葛根湯 (葛根 半一錢 麻黃 一錢 桂枝 甘草芍藥 各七分半)

小青龍湯 (麻黃芍藥 各二錢 細辛乾薑甘草桂枝 各半 五味子半夏 各二錢)


大青龍湯 (麻黃 五錢 桂枝甘草 各半 杏仁 七個 石膏 三錢)

近年日本醫家用含麻黃製劑。為鎮咳祛痰及止喘藥者甚多。及今已次第高其聲價矣。茲就從來藥物學的研究。將麻黃之醫治應用及其藥理記述如左。聊資臨床醫家用藥上之參考查。麻黃原出於神農之本經。為藥用之起源。遠在四五千年前。其科學的研究。則在近年。當日本明治十八年。我國有清光緒年間。日本長井長義博士。分析麻黃得一種植物性鹽基。謂為愛非特林 Ephedrin。是為命名之始。今已看做為麻黃之有效成分。近來經長井博士及泰西諸學者之研

究。此愛非特林之化學的性狀已大闡明矣。

一 麻黃之有效成分

麻黃中約含有愛非特林 Ephedrin 〇・二乃至〇・五%。將麻黃以鹽酸酸性之水浸出。濃縮之。加以石灰乾燥之。再將其粉末用酒精浸出。則其愛非特林即移行於浸液中。復從普通阿爾加羅以特分離法處置之。即現出無水透映針狀結晶之鹽酸鹽。據長井博士研究。愛非特林之化學的構造。與阿篤利那林 *Adrenalin* 之構造相近似。述如左。



而其藥物學的作用。兩者亦甚相似。又據廣瀨天津及久保田氏等之研究。注入愛非特林於靜脈中時。因末梢血管之收縮而血壓上昇。其作用與阿篤利那林

相似而強力稍弱。但富持續性。又愛非特林作用。於氣管枝筋腸管等。則因交感神經末梢之刺戟。對於筋本體由麻痺作用而起弛緩。又以之點眼。主刺戟眼交感神經而呈瞳孔散大。其他對於骨骼筋及心臟亦起作用。對於金線蛙及家兔之致死量。在體重一啓羅瓦者。爲鹽基○●四乃至○●五瓦。

二麻黃之發汗作用

麻黃主用爲發汗。神農本草經曰。麻黃味苦溫。主中風傷寒頭痛溫瘧發表出汗去邪熱氣。止欬逆上氣除寒熱。又大明經曰。通九竅調血氣開毛孔皮膚。又古方藥品考曰。麻黃解寒逐濕除疼。蓋可認爲能促多量水分之排泄於體外。但古方藥品考後段又謂麻黃氣藥之峻遠者也。然前人單爲發汗之藥。余謹考之。非僅有發汗之能也。彼仲景謂發汗後不可更行桂枝湯。汗出而喘無大熱者。麻杏甘石湯主之。可以徵也。凡此諸說。皆可認麻黃爲發汗藥。在日本古時。亦沿漢方。用爲發汗劑。據近年西尾重氏所紀載。麻黃越幾斯即麻黃之發汗作用。謂患者服一定

量麻黃越幾斯。就褥後少溫包之。即全身覺溫暖。曾即發汗。其發汗之時間。與他發汗藥時無大差。其發汗之量。則關於服麻黃越幾斯量之多寡。可勿論。但其量之多且確實。則與披魯加爾並 *Pilocarpin* *Wigdrochloric* 及泊布蘭地葉 *Foliafaborand* 相髣髴云。其他服麻黃於全身感溫暖外。尚呈心機亢進。脈搏增加。至發汗終了。而復舊態。至於副作用。多少侵害眼之調節機能。即在發汗後凡二十四時間內。閱覽細字書籍。易感眼精疲癆。蓋因瞳孔散大云。

又據西尾重氏謂麻黃越幾斯。對於急性鼻加答兒。急性咽喉加答兒。急性氣管枝加答兒。儂麻質斯。急性腎臟炎等。一回量用五〇〇乃至一〇〇〇。確實有發汗作用。且於諸病頗有良好影響。此為古醫方數千年來之經驗。且推獎於藥用上者也。如上所述。麻黃在臨床上有發汗作用。為多數漢方醫家（此指日本人習漢醫者）所公認矣。然於實驗藥物學上。果有發汗作用否。尙未見所研究之成績。最近早川氏就麻黃及其有效成分愛非特林之發汗作用。有所報告。該氏以

貓作實驗。將貓之足嵌入玻璃筒內。此筒內流通以乾燥空氣。如是皮膚上所放散九分。悉能導入於鹽化管管中。稱量之。即能由比較而測定其水分發散量。蓋用鹽酸愛非特林 0.05 以下之分量。注入於靜脈內時。不能全認為有發汗作用。若以 0.07 以上之分量注入時。雖大概每回均可證明其發汗。若詳細實驗觀察時。只可認為大量之愛非特林刺戟中樞神經之一徵候。似不能認為特發的直接作用於汗腺及汗腺神經所起之發汗作用云。

從來關於汗腺之分泌。頗有異說。有謂汗腺分泌神經存在於交感神經內者。有唱交感性並副交感性神經纖維之二重分布說者。而在實驗藥物學上。對於汗腺分泌神經之毒物關係。一般交感神全異其選。對於阿篤列那林 *Adrenalin* 不被刺戟。却為受副交感神經毒之比魯加爾並 *Pilocarpin* 阿篤羅賓 *Atropin* 等作用。但據多數之報告。阿篤列那林注射於動物或人體。亦有意起發汗作用之例。曾有日本武藤氏之實驗。用阿篤列那林注射於馬羊。能呈劇甚之發

汗云。蓋愛非特林之化學的構造並藥物學的作用。頗與阿篤列那林近似。則其發汗之關係亦可瞭然。又本草上有謂麻黃根氣味甘平無害。止汗。夏月雜粉撲之。又曰麻黃根節甘平能止汗。效如影響。莖發汗之氣。駛不能禦。物理之妙。不可測度如此云。據此麻黃根用於盜汗虛汗。其作用正與麻黃相反。麻黃由其根而生。其作用正相反。殊有興趣。關於麻黃根未有詳細藥物學的研究報告。茲試作麻黃根之浸液。以之注射於動物之血管內時。即來血壓之下降。其作用正與麻黃反對。除此作用外。大體與麻黃相近似。而其根中含有血壓下降性物質。似用比較的簡單之化學的方法。有容易變為血壓上昇性物質之性。至其有效成分。是否與愛非特林相近似之一種亞爾加羅依特 Alkaloid。則尙待今後之研究云。

三、麻黃之利尿作用

麻黃不僅有發汗作用。服之能增尿之排泄。治水腫浮腫有效。已見古書之記載。

據西尾氏謂用麻黃後。尿之分泌著增加。且尿內發麻黃臭而通快云。佐藤勤也博士對於慢性腎臟炎用麻黃煎劑(20:100:100)有著明利尿效力之報告。然麻黃果有利尿作用否。及其藥理如何。今尙未見實驗的研究。不過已知麻黃之作用。由血壓之上昇。於一定時間中。血液向腎臟血管內流行且增加血量。從而起利尿之作用而已。據天津廣瀨氏及久保田氏之實驗。謂由麻黃有效成分愛非特林之血壓上昇。起因於末梢血管之收縮。且於犬之腎臟灌流試驗見之。蓋愛非特林却來腎臟血管之收縮者也。至其利尿作用。尙不可不求他種解說。或者因麻黃中所含有之愛非特林或其以外之物質。呈腎臟刺戟作用乎。但通常服用麻黃茶劑或其他藥形時。各腺之分泌增加。同時尿利亦增。與其他一般茶劑飲用時相同云。

雜俎門

葉香山遺事

理事

張儼若述

葉天士初懸壺時。醫名卽大噪。過客病者。咸求診視。一日有公車北上。同伴數人。中有某姓。小不適。求葉療治。葉診畢曰。此乃感冒小病。一劑可愈。惟君不久將發。消渴大疾。實無治法。速歸料理後事。餘不敢言。某姓悚然。以告同伴。同伴曰。此醫者駭人之語。無足信也。行至江口欲渡。適大風停泊。散步江岸。忽見兩峯之間。有一古寺。外多懸濟世活人匾額。知必有大醫寓於其內。入見一老僧。求其診視。僧曰。現在無病。惟不久消渴將發。某姓曰。翁言與葉先生適合。僧問葉用何方治療。某姓罄告。僧曰。有此病而無治療。聖賢何留此一道。葉先生誤矣。君渡江。必宿大安鎮。此鎮廣產金梨。購預一簍。置於車上。消渴發後。生熟隨便服食。至京可愈。嗣果病如其言。果愈。返舊地。謝僧。僧不受。惟囑其轉告葉知。某姓過葉。葉驚曰。君焉

得活耶。某姓歷告之。葉歎服。遂易姓名。向老僧前願執弟子禮。僧允之。居兩月。見僧方藥平淺無奇。有一病者適來。代僧擬方。僧閱之驚曰。子所擬方。何其似葉派耶。有此技何不懸壺。葉曰。弟子本無葉學。卽稍有所得。尙覺葉學誤人。僧曰。子之言。高於葉天士矣。一日有兩人舁一病者入。其腹鼓脹如巨盆。葉曰。此蟲蠱也。方中當用砒霜五分。僧曰。子知是蟲。未知蟲之大小。此蟲徑一寸。長三尺。砒霜五分。僅能令蟲醉。不能使蟲死。蟲再醒。口向下。雖有砒霜。不能入矣。其人必死。子方諸藥分兩均佳。惟砒霜當改作五錢。庶蟲死而人必生。因重用砒霜服之。令舁回。俟半夜當下蟲。下後。以糜粥靜養百日可愈。無須再服藥矣。明日須將蟲送來。令我弟實驗其事。方能有得。次日病家送蟲來。果如僧言。葉驚服。因以實告。僧喜曰。吾道有傳人矣。遂與之講論半載。又出其著述餉之。天士遂爲名醫。

劉子儀膏藥

見夜雨秋燈錄

名譽 徐韻英述

國初吾鄉有劉子儀。老學究也。授蒙爲業。困頓不支。貨所居大廈。得值。另卜城北

臨街一廛。內居妻孥。外作小貿易。公性曠達誠篤。不善較輻銖。年餘母金耗盡。依舊院囊。顧新居僅數椽。蔽風雨而已。庭中環種野藥材。名參三七。蔓延階砌。公惡之。欲鋤去植花草。一夜夢黃衣叟指而告之曰。此良藥也。和鉛粉桐油熬成膏。能療諸毒瘡。艾刈何爲。公醒即謹誌。檢閱藥性編。誠然。心喜。急購粉與油。苦無藥灶。適有女丐在門。筐有小銅釜。短柄三足。以百錢購得之。又購得小鐵爐。居然成就。碾剉度修。先覓丐之有患者。小試良驗。明年春久雨。城中水尺餘。夏則奇旱。毒日蒸騰。沙煎石燥。農賈無老稚咸患潮濕。醫家術窮。惟是膏能愈。由是得值甚豐。頗給朝夕。然公性最善。雖深夜。丐者以一文來市藥。必起而與之。一夕甫就枕。風雪滿街。忽聞剝啄甚急。枕上詢阿誰。曰乞人市藥者。公披衣急起。啓雙扉。一丐者入。瘡在左股上。大如錢。公詳視巨細。然後折紙就爐頭攤與之。量必符所患。詎藥成而瘡忽大如甌。更之。瘡忽大如盆。再更之。忽大如冰盤。如巨盎。凡十數更。皆不足。蓋完所患。聽隣鷄亂鳴。孤檠閃壁。妻孥見久不返。甚催促。公如不聞。俯首呵凍。極

力熨貼絕。不爲一文瑣屑生悲怒。而丐者反怒大言之曰。嘻鄙哉。僉也。藥甚平淡。何仔細。乃爾。公不語。仍更與之。視釜中藥已竭。丐忽狂笑。聲可震屋瓦。袖出一錢。擲釜中曰。以此聊酬一夜勞。踏雪竟去。視釜底嵌一極大古五銖錢。堅滯如鑄。藥氣上騰。成五色香雲。氤氳不散者終夜。由此藥更靈。人疑丐者仙也。公壽八十。無疾一笑逝。子孫讀書多有遊庠者。猶懸壺市藥爲生。世世保守釜爐如連城。余髫齡親見之。釜者古勺斗也。爐者小折脚鑪也。

星期徵稿選刊

問經言五實死五虛死又言身汗得後利則實者活漿
粥入胃泄注止則虛者活張子和謂治實當攻治虛

當補試推論其理 兼言用藥之法

徐世長

虛補實瀉為治病之大法。婦孺皆曉。子和為金元四大家之一。發此平平之語。豈無故哉。蓋經言此五實五虛。非等閒之虛實。乃致人於死之虛實也。而子和之謂實攻虛補。亦非尋常之攻補。乃破釜沉舟之攻補也。夫實症有在表之實。有在裏之實。脈盛皮熱表實也。腹脹便阻裏實也。攻表不能舍桂麻。甚則行水瀆之。攻裏不能外硝黃。甚則以巴豆佐之。要知此為救急之法。無論如何。能使病者微見身汗後利。方有生機。然後有緩圖之餘地。否則莫救矣。至於虛症。亦為頃刻待斃之症。而泄瀉尤易氣脫。如五虛俱備。急宜用理中建中四逆等湯救之。若迫不及待。

則先用漿粥使飲之。以驗其胃氣之有無。若胃氣在。漿粥入胃。必能容受。其泄注必有畧止之勢。一面審症用藥以圖挽救。若胃已絕。則漿粥不入胃。經文之入字爲主腦。若不能入。何用補爲。五實五虛。雖均爲急症。而實症較之於虛症。猶易爲力耳。

時值仲春正萬物發育之際而人之身體亦如之現今

泄瀉之病最多試申其理由並擬治法 趙儒珍

火性炎上。水性潤下。炎上作熱。潤下作寒。熱不過熱者。有水以潤之也。寒不過寒者。有火以溫之也。故曰水火相交。卦稱既濟。既濟之卦。上清下溫。故曰生卦。未濟之卦。上熱下寒。故曰死卦。生卦曰康。死卦曰病。病各生於時令之不同。而其中人中之氣之虛敗則一也。春氣之來。萬物萌動。木火之氣。自逞其疏泄之力。而病太過。炎上之火。不能下降。則焦灼上焦。刑金燥肺。而病頭痛咽乾咳嗽等症。此時之心包相火。與甲木二氣俱逆。生土之火既絕。致三焦無源。而病下寒。下寒則土氣無力。

於是濕生而土敗。土敗則泄瀉之病又因而生。况乙木之氣為風。風者百病之長。五藏之賊。病熱則助熱。病寒則助寒。得春時之令。而施其馳縱之權。不助於熱。則助於寒。助寒則病泄瀉。助熱則病咳嗽。治此大法。總須導火於水。以歸其源。而暖其腎。勿獨執春氣病溫。而冒用清涼之品。抑亦勿畏於土濕下寒。而專用溫補之藥。所謂難調者風木。而難於用藥者上熱下寒也。姑不論其焦灼上焦而病咳嗽。僅就下寒泄瀉之病而擬一方。

白朮 二錢 土炒 白芍 一錢 土炒 廣陳皮 一錢 白茯苓 三錢 粉甘草 五分 炮薑炭 八分 加新荷

葉一錢煎服

此係培中泄木之法。朮芍陳三味為君。以其泄木而益土。佐苓甘以培中。薑炭以暖土。荷葉升清助脾。當可取效。

針灸討論會治法選刊

少陰病下利便膿血者可刺之經驗

劉 瑩

友人杜君患利疾。赤白兼見。日十餘行。醫以理中湯與之不愈。延余視之。其脈微細。病者云。我終日不醉似醉。不睡似睡。吾病危矣。余曰。君之疾。脈微細。但欲寐。少陰下利也。仲景云。少陰病下利便膿血者。桃花湯主之。君當服此湯。病者云。我性不嗜藥。能以針治否。余曰。仲景雖有少陰病下利便膿血可刺之訓。然未言當刺何穴。因熟思良久曰。幽門交信可刺也。嘗考手少陰九穴。足少陰二十七穴。主泄利膿血者。獨此二穴。且幽門者。足少陰衝脈之會。蓋脈之所會者。即邪之所聚處也。幽門能主斯病者。謂此穴一鍼。如勦敵然。犁庭掃穴。使之無所藏匿也。交信者。陰躄脈之瀆。而躄脈又少陰之別。不刺是穴。而徒刺幽門。猶恐邪由別路竊竄。而株連他經為患也。是故兼刺交信。奪邪之逃道。兩路夾攻。使邪泡消影散。席捲無

餘。不然少陰穴有多數。何他穴不主泄利膿血。而獨此二穴主之哉。獨此二穴主之。仲景之所謂可刺者。昭若眉列矣。余遂取幽門交信刺之。一日後利即止。果僥倖以獲效歟。抑仲景之不我欺歟。願與同道共研究之。

幽門穴、俠巨闕旁各一寸五分陷中、針五分許、交信穴、足內踝骨上二寸、針四分許、

鍼灸水腫蠱症之經驗

劉占魁

水腫蠱脹之症。初因七情所傷。兼感外來之六氣。以致傷損藏府。或因胃氣不足。溼熱注留而不行。腎水素損。膀胱水積而不化。以致侵犯脾臟。脾土受刑。則健運失常。故溼熱瀰漫於周身。而為水腫蠱脹之病。治療當以針灸熨臍之法。先利其小便。取足陽明胃經水道穴。在關元穴傍開各二寸。用厚薑蓋穴上。加艾炷。各灸二七壯。次取任脈神闕一穴。在臍中。又取水分穴。在臍上一寸。用菴熨之方法。生薑葱白各一兩。白蘿蔔二兩。三味共搗一處。裝兩個布袋內。約方大四寸。均勻如

餅焙熱。罨在神闕。水分二穴。上熨之。冷則輪換。更以溫手順下揉之。不過三時。小便自利。腫脹自消矣。然後方可用針。和其脾胃。先取足太陰脾經三陰交二穴。在足內踝上三寸陷中。針三分。灸五壯。又取胃經內庭二穴。屬水。在足次指外間陷中。針三分。灸五壯。又取本經足三里二穴。屬土。在膝眼下三寸兩筋間陷中。針八分。灸七壯。手法俱用子午搗臼法。先以左手揣按得穴。以右手置針於穴上。令病人咳嗽一聲。隨咳進針。覺針下沉緊。用慢提緊按之法。以行九陽之數補之。候針下和緩。著艾炷灸之。少停。刺至筋骨之間。得氣沉緊。以緊提慢按之法。行六陰之數瀉之。既畢。卽須退針。復至於人。少停出針。如一月內者。針三次可愈。兩月內者。五次可痊。針後禁戒勿食油鹽鹹醬酒溼膩等物。及行房事。以免再患。

十二年分每星期講演到會次數最多之會員錄

- | | | | | | | | |
|-----|-----|-----|-----|-----|-----|-----|-----|
| 張之華 | 張良士 | 張茂秀 | 張治邦 | 王志仁 | 王 勛 | 王林山 | 王培榮 |
| 王 盛 | 王發富 | 李成章 | 李潤繡 | 李紹春 | 趙 澈 | 楊統昌 | 楊蘭卿 |
| 劉 瑩 | 郭九思 | 郭子承 | 郭桂芬 | 郭 鏞 | 宋錦印 | 宋文漢 | 宋秉惠 |
| 宋德珍 | 馬子雲 | 馬希聖 | 馮兆乾 | 馮布棠 | 韓正濟 | 韓錦榮 | 梁希鴻 |
| 高維岱 | 呂怡軒 | 薛汝楊 | 安 凌 | 庸敦甫 | 徐世長 | 徐世華 | 許紹文 |
| 程守文 | 段紹儒 | 姚紹祖 | 邢天祥 | 吳振華 | 景開基 | 衛寶林 | 酒同德 |
| 蕭禹年 | 苗 聰 | 栗樹屏 | | | | | |

編輯處啓事

啓者古今醫案充棟汗牛竊謂案者法也老吏斷獄鐵案如山熟於法耳若平
無奇或以病試藥偶然倖中者似未可以案稱本雜誌醫案門多選古人精粹良
法畧別種類分期登載現已三年而資料仍屬無多凡我同人熟於前輩醫案醫

界舊聞名醫歷史筆記瑣錄之類望祈隨時抄示俾便分登哀集較多準於本年十二月以前彙刊成帙定當奉酬若干册以副

雅贖不勝企盼之至 楊百城 趙意空 謹啓

*楊如侯先生靈素生理新論出版廣告 是書原擬刷印

一千部嗣以不敷銷售特再加印五百部以公同好兼為振興國學溝通中西起見將本書原價定為實碼八折每部售洋三元二角其躉購十部者另贈一部遠道並免去郵費以期普及郵票代洋九五折算書存無多購請從速

代售處山西省城 中醫改進研究會 橋頭街航慈醫院

上海中醫學會 中醫雜誌 第九期出版

本會集合同志 旨在發揚國學 拯濟人羣 故除開會討論外 并發行雜誌 出版以來 風行遐邇 良以搜羅宏富 選輯精深志俾求實益於醫林 早已有目共賞 茲第九期已出版 內容之美 更勝於前 每册大洋兩角五分 外加寄費三分 定六期洋一元四角 寄費一角八分 十二期洋

第十八期 廣告門

九十九

二元八角 寄費三角六分 第一至第四期已售罄 從三期起尙可齊全
購者從速

又本會因前四期售完後 購者每苦首尾不接 爰將一三三四期 從新編纂彙訂一冊 每部定價一元二角 預約八角 預約期自即日起 至陰歷四月底截止 五月出書 出版後不折不扣 外部加寄費八分

總發行所——上海西門內石皮弄中醫學會

分發行所——上海棋盤街商務印書館中

華書局著易堂文瑞樓

掃葉山房三馬路平頌堂

附啓 本會一二二期紀念冊 函索者每本郵票十分

介紹浙江紹興醫藥月報

紹興醫藥月報爲浙紹何廉臣先生編輯內容精美每月一期定價一角全年一元半年五角五分郵費每期五釐全年六分民國十三年正月出版發行所紹城石門橋紹興醫藥月報社及紹城大街天芝堂藥號

三三醫書創刊啓

癸亥夏本社主任裘君吉生以歷年所獲醫家秘笈並同社投寄著述擬付刊傳世遂遷杭垣蓋爲印刷便利計也詎醫報改組不數期而承印之武林印書館適遭鄰火稿亦被焚幸醫書尙在編輯中未見波及然因之遲誤半載現荷文化印書局倪君憂天與弘文印書局蔡君貽最綏以最低工價許卽承印今將第一集先由弘文代印仍本醫者須讀三世書求三年艾方能三折肱之義名曰三三醫書以短篇不成卷冊之稿已刊三三醫報按旬發行而成卷專書自應單行印傳爰定每集三十三種每種一卷或數卷不等分訂洋裝本限一個月至少出版三種速則三個月出版一集以極廉之價收回成本三期分繳第一期洋三元三角惠到即將已出版者先行郵奉出書至三分之一再惠第二期洋三元三角出書至三分之二即將第三期三元三角惠清除面取外每次加郵費三角三分其洋倘荷一次併惠兩期則第三期得以免繳以答高誼此舉成本浩大每集祇印三百三十部無論何種概不零售售完以後亦不再版有人翻印無任歡迎對於稿主亦恕奉送一集決算苟有餘利誓必貼入二集多印大部書稿尙有第一集未及付刊之稿第二集自當編入第二集正在編輯稿愿行世者速行寄社

中華民國十三年三月三日三三醫社敬啓

醫三三三報發行廣告

每旬一册 十二年七月三日第一期出版

編輯者 紹興裘吉生

發行者 三三醫報社

印刷者 武林印書館

寄售處 各省大書坊

定價表費須先惠

費	郵	定	冊
	本國五	價一	數一
	日本五	角三元	冊全年三十三冊
外國二	厘一角六分五厘		
	厘一角六分五厘		
	分六角六分		

中風料詮發行廣告

全部三卷

定價官堆紙每部壹元伍角
重太紙每部壹元實洋

著者 嘉定山雷張壽頤

總發行者 蘭谿中醫學校

印刷者 蘭谿福華石印所

江蘇全省 中醫聯合會

發 行 月 刊 增 刊

月 刊

討論自治計劃提倡合群促成醫會之普及振興醫界
事業護助醫林抗拒非法摧殘本良心之主導播鼓勵

之先聲

已出六期○欲購從速○

專事研究學術每期增刊一門順時令之變遷為編輯

之標準採集古今方案彙選名宿佳作發揮透澈可為

增 刊

臨症之導師

增進學業○快讀此報○

(報價 每期二張定價大洋二分郵費一分
全年二角四分郵費照加)

發行處

上海邑廟東
本會發行部

民國十三年
晉民快覽出版廣告

山西政治不惟各省知之不詳即本省人士亦率多局部觀
察難窺全豹 社不辭勞瘁關於政治之犖犖大者廣蒐博

第十八期 廣告門

一五〇三

第十八期 廣告門

一百〇四

採萃英擷華編成一巨冊都二十餘萬言現已出版每冊定價四角寄費二分半各省函購郵票代現(以半分一分二分三分四種為限)如荷

惠顧請逕函本社李炳衛君照寄不悞

(注意)來函請詳開姓名地址以免寄交錯悞

總發行所 本社發行部

代售處

山西省垣各大書莊均售

北京 前門外興隆街敬記紙莊

天津 永源書局 成源紙莊

西安 龍文書莊 百城書館 德誠福

長治 翰墨林

保定 直隸書局

宣化 商會

廣東 瓊州樂會縣自治研究會

東亞醫學雜誌廣告

醫院先生 偉鑒敬啟者本雜誌採集稿件新舊參半內容豐富類皆寰珠「醫」「藥」「學」博士所撰定學理精奧尤稱獨步是以出版以來頗受「醫」「藥」界之歡迎倘蒙定閱請將「購讀聲明書」填注空處連同書款一併惠寄敝社即准照辦理按期寄上不誤也

特此佈告順頌 台綏不一

價目

每月一冊	大洋二角五分	報費先惠三分以下郵票
全年十二冊	大洋二元五角	可以代用但作九折計算

郵(寄)費不要

民國 年 月 日

上海北四川路黃羅路三十六號

東亞醫學社 謹啟

第十八期 廣告門

一〇六

中華民國十三年四月二日 版

編輯兼發行所

山西太原省城新民街即精營東二道街北首門牌第一號
中 醫 改 進 研 究 會

信 實 進 取 愛 羣

一 意 注

本雜誌每兩月一冊全年六冊如承訂閱請寄現款郵票代價九五折扣以三分以下者為限

價 目		全 年	半 年	零 售
冊	冊	冊	冊	冊
大洋八角	大洋四角	大洋八角	大洋四角	大洋一角五分
郵費九分	郵費四分半	郵費九分	郵費四分半	郵費一分半

二 意 注

本雜誌為提倡醫藥學起見凡有著名醫家及經驗良好藥品願登廣告者列表於下

價 目		全 年	半 年	三 期	一 期
頁數	頁數	頁數	頁數	頁數	頁數
大洋十八元	大洋十元	大洋五元	大洋三元	大洋二元	大洋一元
郵費九分	郵費四分半	郵費四分半	郵費四分半	郵費四分半	郵費四分半